




雁黃布衲黃山遊草卷之五



江城喫雪大涵著



丙子歲

七月

初一日呈坎羅瑯玉先生及瑞侯晉彥兩昆仲躬
入雲谷薦母程孺人薰修懺法同列十二人一律
誌盛

午日當年拈据同忘清

蜀明衆衲和光衰

不暖諸天喜氣片度

九牽貝葉一絲通

不勞方士傳消息咫尺蓬萊別有宮

初二日丁使君駿公入山蒙以雅作賜教余尚未
和也適晉彥羅君追和原韻投贈

朱轡別後剩閒身寒谷逢君勝小春風雅相賡成故事
師生合韻見情真晉公向出使君之門故云齋心爲母輸泉貝鑿粟
登山轉食輪共惜丁公無罪去手摩殘墨各沾巾

初三日景韓呂公四十壽言

一局殘棋四十初軒轅鄉裏會樵漁酒杯入手消秦晉
蘭佩纏腰勝玉珺負米養親勞百里分燈課弟惜三餘

壽君不必重圖畫仙掌如拳對結廬

母難日作偈自壽

阿母太小器腹不容一子團團向外走今朝五十矣窮
來出盡潘家醜禪兒無腔襪無底我今落得赤堂堂血
盆樣口罵諸方魔佛打殺命不償朋酒羔羊樂未央四
顧無人天地荒狂歌獨醉萬年觴

初四日同瑞侯晉彥兩昆仲臨溪散步

花草堆頭蝶興濃斜陽隔樹暖平胸閒行最喜人同步
談笑身輕過一峰

初五日聽音樂寫

謝爾諸禽奏角弓老來

不將禮樂攻吾短

衣白山人道不同

初六日瑞侯晉彥兩昆仲過寮讀黃山遊草

兄弟惠然來不速而自至分茶薦水香開卷落山翠春
秋既失傳我詩聊記事孟曰宜災木仲曰可行世薄德
何敢當低首生慚愧斯文空在茲天已喪其位

初七日檢舊札有感

蟋蟀燈前草草書暮雲春樹半成虛空勞水底尋知己
依舊曹山只是渠

初八日雨中送瑞侯晉彥兩昆仲

剛道窮途遇好交相逢無那又相拋誰憐吾輩分離色
苦雨多情寫竹梢

午後同祖明大師上雲舫

七月幽風繫我思草花香織道人詩皮蓬漸近峰爭出
前步應過後步奇

雪莊大師壽我五十款齋得月軒下

知我平生性坦夷筆端跳出洞庭癡
雪公寫我看山圖於扇頭為壽雖不具眉目而酷肖我貌自遠而望之人皆知其為洞庭癡也賓筵序齒尊周禮騷客含

椒頌楚辭破褐無文閒語少香庖有法點湯遲他年合
傳慚非匹千載峰頭二

詩有願如松石

初九日宿雲舫

六根清淨竹

今春塔前忽修竹六根娟娟可愛

兩扇寂寥門仰鼻吞雷

氣高眠咽漏痕一菴僧獨苦百草自沾恩枕畔談秋水
翻令聽者煩

初十日立秋宿雲舫

桐葉驚心觸斷垣年年客路感王孫秋光落水鷗扶起
松影眠階鶴踏翻身外蕭蕭霜鬢短燈前歷歷草蟲繁
冰蟾如鏡人如玉立盡殘砧帶露痕

十一日宿雲舫

昨日涼風至披帷送早秋忽聞孤鶴唳還我去年愁

十二日苦雨宿雲舫

似屋還無瓦如舟又少蓬耳邊風走過牀下水流通本
是居山客翻成待漏翁此間非露宿卻訝在途中

十三日自雲舫返雲谷適羅瑯玉先生俶裝下山
一晤而別

峰頭束屐聽潺湲連日知君望我還把手立談非易事
來遲一步隔千山

雲舫來時正午餐輕裝又擬下層巒送君兩面雖多笑
半面離愁半面歡

十四日熊槩菴和尚

無縫堪憐舊樣存哀吟鄭氏

我將快爾胸頭悶

斬盡先朝惡草根

十五日熊檠菴和尚塔前拔草吟

匣中短劍吼西風仰面逢人姓不通蕪穢掃平何足計
還將浩氣射殘虹

十六日熊檠菴和尚塔前拔草吟

一草能荒東海田千秋孤塔困盈芊肩鋤搗穴無遺類
拍手狂歌唱凱旋

十七日熊檠菴和尚塔前拔草吟

不愧當年頭上簪乾薑老辣見臣心要令國脈能長久

莫把先生謫武林

和尚為彈劾輔臣事廷杖八十謫武林衛軍

十八日熊檠菴和尚塔前拔草吟

欽取江城泣老民

和尚令吳江日教民有法不令而杖行任滿考最乃奉旨欽取還朝

探隱跡問遺塵與他小草為仇寇牛斗東邊我一人

十九日懷堯封月函先老人

舍利松根墨放光

老人之塔自題曰墨舍利射來窮子潤詩囊江湖

多少生和尚不及懷中死肉香

二十日熊檠菴和尚塔前拔草吟

閒扶秃帚拜空龕耳滌松風勝面談纖草登塔臣有罪
幽禽默覩我生慚

二十一日登樓

客老江東短褐秋聊同王粲一登樓溪山外帶踈踈雨
雲物中藏黯黯愁千古英雄誇獨醒半生功業淚雙流
自憐身後多遺稿可有中郎醉裏求
中郎卽袁了凡先生醉後在陶解元齋頭適讀徐文長先生詩在叫稱奇乃徧搜遺稿序刻行世海內爭傳

二十二日雲舫募梅詩第一和

坐登山水隔簾平短笛樓頭落晚晴二老風流堪絕代
一時名士共推盟黃昏詩裏香偏遠明月堦前影自生
記得手栽剛覓句枝頭點雪夢初成

二十三日暇草鞋

隔溪黃蝶鬪青芬草綠羊家白練裙興不由身渾浪走
短筇拖我看晴雲

二十四日雲舫募梅詩第二和

寄語東君聽好音騎驢客帶錦囊尋一籬香韻栽梅手
半夜枯禪立雪心滄海風高歸鶴唳屋梁月落故人吟
琴書竹裏多清興帖展蘭亭憶茂林

二十五日雲舫募梅詩第三和

絕壑幽姿艷獨芬泥根別卻舊苔羣懷人團扇裁芳草
冒雨長鑿種白雲五月落梅誰弄笛半床殘雪我思君
柴門他日花垂地有客探春路不分

二十六日雲舫募梅詩第四和

乞樹高門幸不難擬鋪黃海壯奇觀閒扶大道歸鷗席
拚把浮生博釣竿瘦骨影邀人共病落梅香配菊同餐
惜花早起憐三七收拾殘春鉢裏安

二十七日雲舫募梅詩第五和

身疑畫舫到中峰只少僧敲鄧尉鐘
鄧尉即我吳玄墓有梅花四十里
竹學幽人清嘯遠樹如曲女瘦腰重
西域有曲女城其國婦女生而背僕

故名其城 蓑衣白曬千山雪剡閣青分一面松我欲行吟誰

作伴床頭喚起倦遊筇

二十八日題畫東寄丁駿公內翰

懊惱閒名太守知道人今又落相思參寥不忍東坡去
寫寄無聲一首詩

二十九日雲舫募梅詩第六和

閒呼野鶴到林家待乞籬邊一樹斜殘雪入床驕玉簞
落梅滿鉢勝松花黃昏易得枝頭月清興難辭石上茶
有客探春須及早此香爲爾暗咨嗟

八月

初一日回贈西隱大師壽

自惜飄零烟水邊白頭愛汝子孫賢鳥銜明月來杯底
蝶誘飛花到眼前戲躡酒杯浮幻海狂呼寒拾笑勾肩

人間八百須臾事實掌聊同慶一千

西隱翁與余同年五十同七月同亥

時余初三日生兄即初二日也

初二日題松竹圖

美人攀竹頌清風以雲為裳霧為服
楚國茫茫莫我知
獨抱奇懷霜裏宿

初三日雲舫募梅詩第七和

樹頭卜築像蝸居窄不容身興自如
家在白雲披薜荔
餌浮黃海釣蟾蜍孤琴破雪彈幽操
一鶴鳴臯宅太虛
臥對晚香人欲化莊生夢蝶我為魚

雲舫募梅詩第八和

吞嗟遶樹月中行人立蒼苔徹骨清
欲折芳枝酌遠使
還期玄圃對班荆腸迴笠澤三山影
笠澤即太湖別名湖中有七十二峰
峰峰皆有梅花
夢踏羅浮一笛聲想到斷橋驢背客
夕陽殘雪最關情

初四日憶同慧先坐靈巖天山閣試茶後牕聊書

寓目

峰頭談笑見平蕪茗碗涼飄暑氣枯
画閣半開修竹尾
寒牕縮入小姑蘇

初五日代洞庭靈源寺穎文寄懷黃山喫雪子

三年蹤跡聽浮雲松下開棋又夕曛
黑白未拈誰朕兆

先天一著便思君穎文善奕

初六日雲舫募梅詩第九和

風吹春信到墻東籬落枝頭點舊紅僻徑移花香造次
空山啄木鳥玲瓏羅浮夢去青燈近梅旅詩來白雪工
誰謂道人貧似昔珠璣簾捲玉為宮

初七日雲舫募梅詩第十和

恭承

恩詔到燕山辜負衡門一枕閒客許琴樽投隱地鳥將絃
管奏仙班尋梅十里隨溪轉放屐孤峰帶月還覓句不
須天際想新聲流出杖藜間

川上

寒蛩聲在戶送我一峰秋弔古豐城劍懷湘帝子樓芙蓉
思故國芳草寄扁舟川上同尼父空悲逝水流
送我任大師還金陵

客中憐客兩萍踪勝比藤蘿遶澗松心逐九龍潭畔水
送君直到白門鐘

初八画贈江邨公衡居士八十

江邨邨裏老長沙八十如童貌似花自有奇方懸肘後
笑他軒后鍊丹砂

憶客吳興泛舟野港書所見

蒲帆緩步出深邨五月蠶房冷閉門柳岸涼生人坐睡
小魚都把釣絲吞

撫松吟

松勢還同舊日偏冷然摩撫憶生前幽坡面帶王孫草
秀壑身披米氏烟五十無聞真壽者一言不立倩誰傳
過溪懶覩蕭條影可是曹山悟水邊

初九日黃山山行

軒轅龍去杳難攀丹竈空留碧草間浩氣冲霄矜白髮
清秋縱目眇黃山風生仙掌吹人醒日出扶桑贈我閒
此際狂來渾欲舞荷衣不脫弄潺湲

初十日泐華樓卽事

深山嘯火當朝餐牀角頻堆破絮單最惱晴天無定相
又將雲氣惹青鸞

青鸞峰卽三十六峰之一

泐華樓看月

山腳水鏘鳴山頭星影動橫笛月中樓梅花嬌獨弄

十一日眼草鞋

雷挑山翠響水鬪竹光搖細雨迷驢耳微風戀酒標斷
虹吞藥竈幽鳥啄詩瓢晚景開人悶新涼點筆饒

十二日秋涼補衲

年衰思種藥客至擬烹蘭琴續無絃譜心傳不火丹秋

風修破衲落日倚危欄我欲浮黃海峰頭插釣竿

題画松贈岸先道翁

黃山松樹短多顛能令君喜令君怒身如主簿貌參軍
一片精神在烟霧

宿雲舫

稀疎茅舍雨爲殃時有閒雲抱屋梁天入黃山多漏疾
蜀有大漏天小漏天黃山亦多雨故云漏疾也人當白髮半膏肓
橫吹鐵笛邀

孤鶴轉側幽蘭夢一床明日登峰須放眼要看身世兩
茫茫

十三日宿雲舫

相逢愛我好胸襟履掛柴門野興深笑面溪花迎舊友
點頭山鳥證初心涼風入竹梳秋氣落日依岡起暮陰
翻怕篝燈還故寢寒蛩枕畔索愁吟

十四日宿雲舫

仰臥盛宵漏憑他面自乾經營巢未構草創事多難宿
雨岑樓困秋風旅客單夜闌同匕筯星影落盤餐

十五日登光明頂遇慶生樵者掠遊天海越鰲魚
洞百步雲梯夜宿文殊院作

遊人空裏步兩腳海天光跨水穿蛟穴攀崖壁麝香遇
樵擔藥草抱膝話滄桑此夜同明月浮雲不我藏

十六日還自文殊院宿雲舫

月滿人偏缺人來月自韜
剝菱憑小閣泊樹勝輕舸
笛補秋光碎雲扶客興高
當頭飄一點苦雨又相遭

十七日熊藥菴和尚塔前拔草吟

南山當路草蓬蓬內激肝脾眼發紅
自古薰蕕能變俗
褊心只恠臭梧桐

十八日能雲道兄乞画

夜雨峰頭萬鼓號雲松赤壁兩相鏖
幾乎戰敗連根縮
石上虧他把得牢

十九日白門我任大師索畫十二冊戲題画尾

喫墨呼峰若啓予筆如水到自成渠
廿年學画爭端楷
今日方能變草書

二十日輕雷

輕雷送雨還把我牕打破潛穴內相通
石壁雲走過

二十一日自讀黃山遊草

風騷滿肚感愁眉六六峰頭琢句奇
冷抱新詩和淚讀
只緣痛處自家知

二十二日憶宿文殊院

自是無根物危崖立杳冥推牕衝過鳥
信手摘殘星葛
藟縈書篆山河屬象形中霄逢好月照我紫雲屏

二十三日憶過小心坡

老松不設化城坊

向有一松孤立巖嵌人可攀枝借腳力今被雷爪拔去過者無不寒心

躡驚魂手自忙五十年來真大膽臨危始得學文王

二十四日題觀音灑淨

石在天都峰下手執一松宛同楊柳枝也

兜頭帕子靜威儀石化鸚哥蘚作眉莫道觀音無妄語
誑人松樹當楊枝

二十五日涼秋曲

涼傷也秋愁也客子心孤當秋而傷其愁故作
快語以自解

愛逐歡共眠怕與愁同處涼風入我門秋來推不去

二十六日望黃山歌

隔花看美人幽姿多窈窕隔樹望黃山蒼顏更波俏的
是玉女洗頭簪寶釵翠滑一松頭上排
李長吉有翠滑寶釵簪不得之句

二十七日溟墨歌

有序

余雖雅好山水而不善繪縵有好事者喜索我畫
余亦技癢不禁乃命磨濃墨向紙橫溟觀其墨點
跳躍之處所向成峰複製短歌以俾好事者持歸
玩讀自有一幅真黃山在汝目中不必余之假畫
也

老年筆力成精魅慣向黃山喫蒼翠興來潑墨墨削頭
一頭一峰不用勾

二十八日自題黃山行腳圖

千里遊方不帶經點胸點肋眼惺惺擔頭雨過知何物
一粒黃山豆綠青

二十九日雨坐山樓有客乞画

我畫不少吝一求手便開臨流拔怒石擘岸抽焦梅筆
渴直下噴滄海蜃氣忽上吐蓬萊鬢鬆亂攢葉側斫豎
點苔持掛高堂君弗怪牀頭夜夜波澎湃

倚松坐睡

乾坤一睡醒來殘笑倚長松誦考槃掠面風鮮晴腳轉
雲根拔去覺峰寬

牢落僧懷愜素秋要看黃葉點雙眸睡濃不覺翻身轉
笑指青天仰面流

飯罷牙根苦菜香青苔爲褥石爲床空山無術醫人懶
細檢殘書覓睡方

未幾約菴居士贈銀一星喜吟一絕自嘲

風吹紅紙包飛來入懷袖窮鬼暗揶揄笑我驟然富
乍遇長髯翁分金意何厚佯笑面相推含羞心已受
贈我一星銀似柴烘冷竈從此向王侯不敢稱貧道

三十日同伏龍智暉二道侶遊始信峰及獅子林
後海門一帶

以我爲遊眼因君作借資放懷筇亦健乘興脚忘疲木
末雲孤弄詩初韻半歎夕陽閒指點笑面冷峰披

九月

初一日伏龍智暉二道侶自獅子石鼓過慈明庵
遍探西海門鍊丹臺光明頂一帶宿雲舫

天晴僧鼓興山靜鳥移秋脚滑衝雲暖身輕遠石柔入
門頻告宿乞畫更多求預卜重陽約同君話白頭

初二日畫贈畢雲章先生

筆端遊戲豈無因湯日程公索畫頻

恒益居士轉乞寄與新安

三絕叟

先生善畫捧心人對浣沙人

初三日題贈詔友畢先生北上

秋風吹汝到長安拋却黃山博一官乞縣莫羞如斗大
也勝我輩釣漁竿

初四日題畫

小橋野店半池荷壞壁嵐蒸古寺多筆到峯頭身未到
向平圖裡卧遊過

初五日光明頂上作

絕頂遊無次行歌樂采蘩詩依秋作體雲就我生根伏

草泉深卧憑林鳥獨言薄衣風不冷愛日自溫存

初六日浴硯

石冷脫雲脚松羸翳蘚斑疎籬淹病菊短鑿和寒山坐
惜詩將喪扶衰我又刪誰憐香蒲袖抱硯浴潺湲

初七日熊檠庵和尚塔前拔草吟

時拔草而拊指反爲草芒刺破血出負痛以傷
往事

爲剪塔前惡草朋敢辭鸞鳳學鷓鷹未除物害先傷手
翻愧平生說履冰

初八日西溪南吳日宣過法華樓讀黃山遊草

尋秋客到半開籬撞入僧寮興不羈偶閱案頭詩一卷

看看我面又看詩

初九日自讀黃山遊草

采菊南山慰所思想頭高處壓東籬不愁冷句無人讀
紅葉燒秋熱我詩

飯後同客司懷先尋九峯庵舊址得詩二絕卽寄

雲筋

蠟屐虛勞九日招憐君爲我洗茶瓢登高怕嶮徘徊立
興託黃山且半腰

十處謀居九不靈此峯又擬結茅亭逢人只說身如寄
暗裡低頭相地形

初十日誦大般若經頌

開卷那一句佛在王舍城末後者一句佛在甚麼處我
今捉敗頗羅情出息入息朝復暮

十一日宿雲舫

拋身黃葉裡又度一年秋鳴磬棲鳥晚呼猿索樹幽形
骸成棄物樵牧且同流短策無暇懶明朝更廣搜

十二日登光頂坐蒲團松宿雲舫

與花同興止連日醉重陽撥石和雲卧拳芳續佩長脫
冠充道服束屐備樵裝杖荷蒲團去翩然下大荒

十三日默庵和尚乞畫題贈太平邑侯迓公

百里蒼生愛召公甘棠無恙演清風簿書冷帶烟霞氣
一片黃山落掌中

聞道官清馬不肥山城皂吏亦忘機晚衙課畢漁樵稅
呼取松花療鶴飢

十四日默庵和尚乞畫贈八十翁吳文蓀

籃輿顧我話無生採得靈芝作佩輕笑汝居山難免俗
倩圖黃海作人情

十五日同獅峯默庵和尚迓祭酒吳楞香先生

白日高僧杖清風學士輿柴門沾貴氣玉貌潤荒廬龍
化津頭劍雲生篋裡書登峯聊把臂懷抱好同舒

獅子峯同吳楞香汪于鼎兩先生及文璇挹雲二
文學玩月

白月不知趣潑我一身水撩起衲衣看露華香蒲指
憐爾玉堂人愛此青苔照儒釋兩相忘明月落茶鉢

十六日吳楞香祭酒及汪于鼎汪文璇吳挹雲諸
公遊擾龍松始信峯石笋硤獅子林而別

今朝喜氣滿巖隈石趣遊人笑眼開少頓籃輿呼我別
出山應到小園來

園名梅庄

文獻聊同百世師當時燕趙漫相欺此山預識今皇賜
曲柄先教蓋仲尼

山頭有石如人青松作蓋俗名孔子打傘今上謁孔廟勅賜曲柄紫蓋

始信峯頭喜晤汪扶晨先生冢君紫瀾次君錦來

遊西海門鍊丹臺鰲魚背光明頂一帶

始信峯頭晤紫瀾體如衛玠不勝寒相逢一揖無他話
石笋抽條放眼看

爾興如在我亦顛綠蕞黃葉愛秋天短筇拔起離奇石
帶雨和雲搭半肩

同紫瀾錦來兩昆仲宿雲舫

小屋多人氣山厨雜暮烟溪邊羣木瘦葉底一燈妍白
髮秋聲杖黃花浪跡天明朝扶老興三十六峯前

十七日同虹梁程文修二金程鱗仲程松原程式

公程聚人梓庵汪舟佩濟航登送供峰

非關眼界闊自許立脚高嗤彼塵囂人叢爾在蓬蒿

同虹梁諸公觀珠林塢結茅舊址

三年築室口如瘡一草何曾手自扶乘興爲儂先卜向
腰間小試定盤圖

同虹梁諸公遍探石鼓峰西海門之勝薄暮與梓

庵獅子峰晚眺

面熏嵐氣晚來酣石上披襟把臂談公案一花傳老衲
文章八座起奇男詩當落葉秋同旺屐趁涼風景各探
寂寞坐中無二友蒼蒼只有一松參

十八日吳永年相見獅子峰頭臨別慨然解橐爲

贈聊述短歌以誌不忘

一飯或捨命千金反爲仇大道直如髮人心曲似鈎慨
彼恩怨途血氣衝斗牛仰愧脫腰纏下飽空囊愁我今
不喜亦不怒原隰有陰山有霧滄海相逢兩相顧報君
一握芙蓉露

十九日曉望八仙過海

雲行仙亦行雲止仙亦止小坐任超遷過我一萬里呂
生吹笛陰崖暖張公拍板秋風短玉女提籃靈藥滿遊
戲人間天不啻滄洲同渡神通別脚踏鼉鼉波噴雪有

時雲脚散斜暉仙兮仙兮胡所歸

二十日獅子峰卧病

枯木留殘火寒雲裹病僧體疑三伏暖飯似五臺蒸掠
面秋鷹過投床敗葉登無人相問訊高枕髮鬢髻

二十一日獅子峰卧病

琢句生愁蒂尋秋起病根攤書無興讀擲地任風翻書
梁楓香路紅橋荇帶門江南多故舊若肯為招魂

二十二獅子峰卧病

滿頭愁種雪雙眼淚生花物我聊同夢乾坤那是家懷
人秋採藥對月夜思瓜病榻添吟興泉香十里沙

二十三日獅子峰卧病

因病知無我臨淵始羨魚推窓搜遠景就手摸殘書日
課排遊目生涯託荷鋤鉢囊閒掛壁歲月任居諸

二十四日抱痾宿雲舫

調粉扶虛氣憐貧薦蓆周坦懷濃睡美擁鼻晚香稠

手焚宿香排闥泉穿耳迴風葉打樓不愁身瘦損更擬

薰余衾枕

二十五日抱痾宿雲舫

傲晴秋
殘葉如榴火高燒照病容詩成胸次活雲出被頭鬆秋
入溪光麗愁連草色濃杖藜能助我發興又諸峰

二十六日抱痾宿雲舫

杖頭挑布袋託疾上君床
涸轍沾濡沫窮途賴水漿
朔風欺敗衲白日愧空梁
漸覺吳牛健無愁喘月光

二十七日抱痾宿雲舫

不愁無上藥翻喜得中醫
瘦鶴啣窓稿幽人夢草池
居山思寡過束篋貴長飢
爲愛齋心絮烹葵洗露姿

二十八日抱痾宿雲舫

逆旅嗟空橐林禽善養饑
農寒思墜戶我病狎沙鷗
築室三年過輕身一葉浮
半生多痛哭老去洒滄洲

二十九日抱痾宿雲舫

日落愁生枕風吹老上頭
嘗疑招物妬不省爲誰謀
有刺懷將滅何門足可投
託身詩卷裡淚送百年秋

三十日抱痾宿雲舫

抖擻精神出峰頭整布袍
清羸人似菊澹泊屋如舫
老病無三穴耽愁有二毛
晚叅閒面壁風峭葉聲高

十月

初一日扶疾同滄溟下雲谷
迤邐至鸚鵡石滄溟行漸遠

儂似逆風蓬打落前船後
引頸望滄溟人遠小如豆
秋山種寒疾面借黃葉光
路逢採藥翁授我草頭方

白雲扶我上青藤攬我下兩腋御風行十里自瀟灑

初二日蘊白禪翁乞畫壽舅氏吳德珍

雙耳垂垂像老聃朝看紫氣杖頭擔外甥借我屠龍手

活剝青松壽渭南

初三日題畫寄汪公悅

遣來一瘦松可解黃山渴何必履巉巖拍手叫奇絕

初四日題畫簡寄聞指院禪裕六十壽

裕翁玉峯許氏舊族因鼎革薙染隱於新安巖鎮

鄉土人情也不濃閒窓隨意滌青松裝輕樵担頭偏重

又借軒皇一個峰

初五日哭送松詩 有小序

黃岳怪松皆軒后時舊物也奈彼樵家恃以為餬

口之計山僧藉以為餽送之資由是斤斧之聲歲

無寧月月無虛日可不哀哉余每見人縛松出谷

誓將百身代贖自恨逆旅贅疣貧不能救惟有泣

然反袂揮淚目送而已故作哭送松詩以俟采風

者

酣寢空山樂自由胸藏傲骨飽霜秋憐君關鎖朱門裡

勝比雕龍把鶴囚

初六日哭送松

問爾何年此結根圓如笠大覆如盆天風吹落吳剛斧
又喪青松一尺魂

初七日程恒益索畫

樹老育真氣石暖生苔茵今朝筆有興奪得先天春

初八日湯川昌祺峩生二社長及西文將遊獅子

林西海門一帶臨行索詩以助遊興

家近軒轅舊藥鑪涼風羨爾浴乎雲擔秋入寺欣僧話

代策登山愛子扶直道人間留正氣長生夢裡授真符

昌祺夢遇四老人曰易昌
祺二字拜授長生之訣 欲憑一醉消愁壘高向天都

掛酒壺

初九日捉松詩 有序

余方深痛黎民之無知日盜古松翠柏居之以爲

奇偵寧忍冷覷黃山氣索而不知相惜耶故作哭

送松詩以俟采風者擬望有司伸禁飭法活此軒

皇苗喬弗使立黃之血飛濺於丹鑪之畔而余急

難之情不啻苦秦庭之泣不意有司充耳無聞反

督役到山驅農捕松轉媚上官嗟乎悲哉余將誰

咎故又作捉松詩以告哀於鄉達縉紳先生庶幾

憐我情以援松命此大幸也豈有望乎

千峰頂上架枯鱗履嶮當差爲老親乍與山農相問答

捕松人似捕蛇人

採藥峯頭當晚春擬投此地歇遊踪巖栖翻覺微徑近
一路官差捉老松

初十日燈前閱畫

酒旗山郭樹高低南浦征帆客路迷秉燭照開彭蠡口
眼梢掠盡古江西

十一日咏古柏 二首

柏老金石性倔強誰能降凍皮縐太古朽腹通長江

又

大根曲磊塊穿石透三代小根直迢迢銜苔貫六朝干

戈揖讓須臾過莫恨奸雄權柄大笑爾泰山堪磨也柏
也風吹皮又破

十二日玉峰徐道積孝廉同宗舒周先生來遊黃

海過晤雲谷

孝廉卽中堂立齋先生之次子大司寇健庵及左
春坊學士固亭兩先生之姪

公卿之子澹無譁徒步登山不用車自笑離家飄物外
翻嗟識面在天涯頻吟拙句秋聲正立打鄉談暮雨斜
破寺一燈搖落葉對君疑結夢中花

恭輓大中丞慕鶴鳴先生 二律

與徐孝廉篝燈夜話始聞慕公函問謹勒拙言遙
伸哀輓

宦情不是戀江南，祇爲蒼生借寇年。陽羨買田聊寄跡，

吳門卜宅愛逃禪。慕公久參靈岩儲老人手書 孱僧薄

德何勞拜。余亦曾受慕公禮敬 宿世虛心肯着鞭。慕公現宰官身

深心我道故 誰料山頭知死別。甲戌之秋七月慕公同

日肯着鞭 遂成永訣矣。秋風揩眼淚如泉。華山自求和尚與余相

相逢孺子問平安。孺子即指徐孝廉也 不信先生已蓋棺。百里錢

塘慚計吏。慕公始一揮海甸宴狂瀾 慕公以錢塘令加

上有功特遷江蘓左叅議轉陞江南巡撫歷任湖廣貴

州兩省軍門後 勅命漕河總憲尋被讒臣構害事關

刑部候審。上手勅慰勞曰 朕念慕天顏大臣年老問官不得擅加刑具而萋斐之

徒逆揣。上意急令刑部先期勘問受夾棒矣事竣 恩

下配姑蘓驛。公有舊恩於吳人故就家於吳門云。

瞻碑板照江干

殫黎首初成政力竭黃河又罷官人到胥關應墮淚愁

姑蘓一郡獨當淮海衝要之區往來兵馬雜沓吏

民受役煩苛慕公撫政日乃立奏 朝廷多方設

法爲作均輸之役由是民稍知休息之勞而有謳

歌之樂此亦慕公興利革敝之一大端也至命立

碑胥江光照千古可比美于峴山之墮淚並傳不

朽云

十三日雨中送徐道積孝廉及周宗舒還吳

匆匆長揖霧中山，蘿薜含愁寫別顏。君到江南休話我，

恐將踪跡落人間。

一夕狂言笑點頭，溪聲相與兩綢繆。送君出戶非關雨，

看去茫茫總是愁。

三年無夢落東吳黃海頻將冷竈呼我有故人屠釣裡
煩君一問酒家胡

杖底年來客路平因君動我故鄉情扁舟倘晤文家子
輪庵和尚吳門文氏文衡山之孫也自玉泉宮 向聖
還山住洞庭翠峰寺知余有黃山之遊許以歌詩相贈
乞索遊黃五字城

十四日程昌祺遊獅子峰還過晤雲谷索詩言別
連朝風雨不相饒杯酒奇寒溼未消遊興闌珊歸興急
索詩喜掛杖頭飄

十五日內翰丁使君郵簡紀勝草至梅旅素心歸
自阮溪并接讀汪扶晨先生手扎誌謝

袖拂山衙把釣綸入林瀟灑話前因酒酣野衲雖收得
中聖人逢半聖人
千里郵筒寄綠蘿交從別後見情多詩過楊子平如掌
能使江心不起波

十六日汪栗亭贈墨報謝

因君四笏烟動我千年愁醉和仙掌露
卽雲谷
仙掌峰 點破瀟

湘秋

十七日送監院素心之白門謁觀察汪松峰

杖挑空翠向江南穀雨前頭茗一函怪底華堂雷破壁
應知話到九龍潭

十八日熊檠菴和尚塔前拔草吟

傷指有感

暗刺爲仇不可防堪嗟此輩妒賢良傍人笑我多迂濶
翻把仁心比宋襄

十九日黃山百松圖歌

有序

黃山不鳴假松以自鳴松若不奇則黃山不鳴天
下名公巨卿雖目不覩黃山之松而無不知有黃
山者皆賴松之鳴也甲戌十月之暮舟抵新安界
口所見之松迥然頓異凡風水所關之處必有百
仞赤鱗十圍翠鬣以陰覆其烟窓霧幄之神區糾
枝若幕捲澱成波陰涵野市之扉翠濕遊人之履

濤聲亂耳嵐氣沾衣令人應接不暇真蔚然馥郁
古黟國之仙都也豈不信乎旣至黃山仞者縮而
爲尺十者刻而爲寸寄生於懷葛之秋爭衡於尺
寸之表余向周流三十載放曠八千里所撐突乎
我胸中之白摧朽骨照耀乎我眼睫之黑入太陰
如班婕妤之見邢夫人悵然羞溷而忘其故態矣
余喜見松而非夢松喜樂我而徘徊旣遇矣而不
可無言旣言矣而不可無形於是歌以暢松之情
圖以悅松之神是謂百松圖歌後之人足不到黃
山而能讀我歌披我圖雖曰到黃山可也何耶以

得其情以入其神矣後之人果到黃山倘未讀我歌披我圖雖曰不到黃山可也何耶未得其情未入其神也噫後之人寧失黃山而不登不可失我歌而忽我圖失黃山而不登其俗可醫也失我歌而忽我圖其俗不可醫也或曰黃山之松不鳴假喫雪之歌以鳴歌漫不文則松不鳴而天下名公巨卿雖目不覩黃山之松則讀喫雪之歌無不知有黃山松者故雖曰黃山之松不鳴而假喫雪之歌以自鳴亦可是爲序

一松圖歌小引

本歌黃山松而曰圖者蓋一松必有一圖今乃面圖而成咏故曰一松圖歌後皆以首歌爲法式歌不應律以効乎古樂府甲乙以次之盈百及千而止焉

黃河一曲曲千里矮松曲有黃河勢凍雷踏斷麒麟皮
偃蹇東來壓蒼帝

二十日二松圖歌

一拳石陷雲千尺松老腹空雲寄宅狎獵雲松日往還
時聽霜濤啼翠壁獨立看松雲滿衣幽人履襯苔花肥
轉盼雲松兩無跡雲英化水松化石

黃山遊記
卷之五
二十一日三松圖歌

始信峯頭有石名丞相觀棋
二仙卽倚松爲枰故云

松針翠織如奕盤仙人戲着丞相觀局中有眼誰能彈
奪角衝圍鄒魯闕英雄馬上子殘夢棋子不動長安動
二十二日汲水研試汪栗亭法製香墨漫成一絕
閒將水墨戲愛看龍蛇遊爲我謝故人無意刪春秋

二十三日閒窓雜興

池臨右軍帖鐫煮東坡羨僧閒管山色屋破飽泉聲
眼倦拋書睡窓閒面水開我頭剛湊枕山亦上床來
苔生楊子宅花落草玄亭好事人初至船頭酒一鉸

二十四日四松圖歌

前身胎夏鼎落水變飛龍竭來黃海裡醉卧莓苔峰辜
負春霆燎其尾老嬾無心鞭不起

二十五日五松圖歌

喚松作龍龍有聲擬將駕爾還赤城我有一畝好瑤草
千年磽确無人耕扶桑爲借羲和轡藍田玉暖犁新晴
黃山見石不見水渴有瓊漿在壺裡

二十六日六松圖歌

笑彼癯_匕松差不及我肩借問歲幾何齒落彭祖先天
地識氣候造物知推遷山川欲作陰空腹起寒烟三代
漢魏晉宋梁一刻枝頭轉夕陽

二十七 日七松圖歌

長翰山纓絡松其勢如柳枝風起若舞

春風冉冉若無骨明月垂垂似柳條翩然起舞書卍字
滿山松竹鳴簫韶嗟爾虬枝不媚人因誰化作楚宮腰

二十八 日八松圖歌

松兮與我命同科頭瘦腰瘦脚亦瘦雷電呵噓孕赤精
養個猙獰在巖竇天地父母望爾賒時危龍種遭泥沙
生憎老大成修蛇

九松圖歌

黃姑碧玉釵溜若青松枝鏘然墮寒石光怪如玻璃始
知黃姑雪滿裳賣珠補屋心內傷淚痕痛洒九秋霜

二十九 日喜晤半塘徐善長

短袂凭欄暮雨新故鄉提起兩眉顰金闈夾道千門迥
爾我同為冷落人

拋却姑蘓落杖頭一瓢黃葉又深秋洞庭僧遇山塘客
戀匕殘燈話虎丘

三十 日十松圖歌

相彼黃山松好奇懷爾詐棘其髯裸其膀抑三玉輕五
霸糠粃鑄堯舜泥丸弄華夏覩君身不滿三尺虛名無
乃欺天下

十一 松圖歌

高尚者必窮立處多招風自卑者必凶下流汗其躬爾
松牢把白雲封何如與我同中庸

十一月

初一日雪

梵放僧依火齋餘鳥近人徑添飛白草梅補暗香春地
轉三陽泰門迎六出新高樓思咏絮擬卜謝家隣

初二日十二松圖歌

劫火鍊其骨混沌包其身要與蒼官爲甲長上天生背

上圖龍鱗一聲霹靂破石出草木厥角皆稱臣

初三日聽音樂鳥

澹薄儒門禿此顛泣麟絕筆近誰傳獨憐今日知何日

山鳥頻操禮樂權

初四日十三松圖歌

此松自愛學楊朱保身與世靡休感炎炎六月焚柴天
民望虹霓若飢怒嗟爾胸中萬斛波岸然不肯輸涓滴

初五日十四松圖歌

曉霞遶身披繡繡晚虹束腰垂紫綬猜君服飾擬上官
胡爲蹙額貌不歡噓嗟乎亭長上一擊縛秦王重瞳三

月火阿房虬髯向我三歎息冷靠斜陽慘無色

十五松圖歌

三十六峯頭一松欣獨傲凜然竹栢中歲寒得真抱不
羞桃李有妖花我只青青聊自好

十六松圖歌

高才握霖雨博識多風雅龍馬失其權渴飲荒山野相
看磊落身豈是悠悠者我愁默默松無聲面面相心中兩
不平

十七松圖歌

根頭不帶沙枝頭不插花寒姿少娥媚骨相如枯槎曝
身霜雪老無家倚天乞活真堪嗟

十八松圖歌

山上青松樹勁骨太傑驚水面紅荷花柔姿或妖嬈我
將二物措其中松不青兮花不紅蹄涔輟與銀河通天
地萬物根皆同

十九松圖歌

黃山不奇奇在松一松歷倒六六峰七峰奔走朝其躬
手執玉帛橫當胸匍伏聽命如面從却賴焦人虎人礪
斧鉞黃山多怪松大半爲焦虎兩村人所殘丁丁斫斷
蛟龍骨放出天都高突兀

初六日二十松圖

驅馬上高山攬轡登奇松蹄血濺四海八極笞遊龍乾

坤太踟躕未足逞我胸浮雲暮起鍾山道六朝宮闕依然好江東如夢寒鴉噪石出降帆鐵索鎔不見秦疆與漢封一年一度草茸茸

二十一松圖歌

敲詩若轉注玩世如假借笑脫衲衣松作架自喜行藏頗清快未許虎頭能善畫兩隻芒鞋石上排一個蒲團松下掛

初七日二十二松圖歌

余慨近世人心不古指松爲喻以輓頽風歌止四章章六句

松有鱗人有仁鱗固保其身仁可悅其民松失鱗兮人

不仁舟無楫兮釣無綸

二十三松圖歌

松有子人有耻子必續其胤耻亦縻其理松無子兮人無耻貌雖聖兮心若豕

二十四松圖歌

松有針人有心針堪刺惡草心可變黃金松無針兮人無心梧桐爲麤樗作琴

二十五松圖歌

松有根人有昆根斷柢相續昆溺弟須援松無根兮人無昆鼎折足兮屋敗垣

初八日二十六松圖歌

積德作高山包刑成巨河懷忠象勁松樂隱配垂蘿觀物以頌功幽感發天和放歌聊肆志誰為我切磋

初九日吳中友山死

丙子春大雲同學自姑孰還言資福友公已死余尚未信近晤三峰智暉云友公死矣余乃不勝嗚咽汲水成詩臨風哀弔然書曰吳中者重其地也曰友山者尊其人也曰死者蓋我吳乃風雅之藪而友公學窮二酉博及三教固不可死之人而竟死矣故直書曰吳中友山死

昨日猶疑今不疑一聞真箇淚垂七怪君縮脚先貪死

累我窮途作輓詩揚子渡頭愁別路余與友公別於北固山頭汨羅

江上夢同師靈巖儲老人浮湘時余與白兆香谷古漁支石靈澈友山同侍堯封月函和尚於長

沙高峰此生未了鰲山案嘉會何方博後期

初十日 和內翰丁使君春日漫興第一和

使君既報罷即欣然乘竹輿榭笠徧遊縣國之名山丙子六月十四日將過雲谷余迂之步雲亭長揖使君而祝之曰使君若無丹心一片焉能對玄祖之鑊鄒而不懼若非清風兩袖奚能拂軒后之藥鑪而弗慚若使君者真可謂無愧於黃山白岳

者也使君以余爲知言乃相與大笑把臂而遊別後使君浩然而歸至十月十五日監寺素公自阮溪還出陳汪栗亭先生手札及使君所附紀勝一冊春日漫興八首余驚喜把讀不啻千里之同堂也嗟乎乃憶使君扁舟淮海旅泊維揚此詩之來曷不託之他人而專囑栗亭何耶蓋使君與栗亭深交者也因知栗亭推及栗亭之所知余若不言則負栗亭矣栗亭與使君深交者也因知使君而愛及使君之所知余若無言則負使君矣使君之歷職館閣也清慎寡交故

朝廷乏嬖人之譽使君之親民社也廉直不阿故上官無包苴之容無罪而落職又將誰怨比司寇之相魯三月則居官也太多較陽城之下考三年則居官也太少上未報

天子特簡之旨下未盡臣躬三事之勞爲政未成而去可不惜哉余觀漫興之作不屬之他人而獨屬於余者將以言責我也豈可默而不言以負使君之明哲乎喫雪子曰擁鼻於高山積雪中和旣成章乃訴之以黃山黃山若不知告之以白岳白岳若不應使君之清白旣不求知於黃山白岳而喫雪

黃山遊草 卷之五
之詩亦不藉使君之知宜白岳黃山默默而不應
無足怪者遂束其詩仍付之素公曰可與我獻之
栗亭代博使君之一笑栗亭知我者必弗向使君
而饒其舌也

朝來鎖印子規閒花落門前興不關機遜老禪輸玉帶
才非俗吏誤黃山撫民自許心猶壯面
聖驚看鬢已斑一路歸裝如可畫秋風琴鶴與同班

十一日丁使君內翰春日漫興第二和

擬將麟閣奏膚功秃頂中書已作翁封國似牛刀中去聲
窾御民如牧手調工曾無惹苴堪疑跡自有萋斐玷薄

躬笑解腰繒誰縛汝山公樽酒莫教空

十二日丁使君內翰春日漫興第三和

丁韓此日好彈冠韓慕廬先生與使君同年故云民賦緇衣道不寒漏

屋心憑三可畏黃金手却四難瞞爍人譖口堪消骨亮
弼忠懷信有丹卧憶使君殘雪裡呼童閒煮蕨羹飡

十三日二十七松圖歌

松老何權竒氣秉龍之族青海是其兄黑海乃其叔有
時不見人跳下寒潭浴我來遊戲撫蒼鱗滑手淋漓還
漉漉

十四日雪晴

千峰延反照殘雪半離披碧落門多閉蒼寒松獨知歸
鴉呼朔氣掃石露竒詩倚杖歌黃竹浮雲繫所思

十五日丁使君內翰春日漫興第四和

官罷何須悶不舒邯鄲枕上夢迴初吏情頓覺今朝改
景物依然昨日如召父棠陰千古樹使君草聖六溪書
新安有六溪使君善書去任之日士民求書者塞門天涯薄宦還叨醉得勝門前

飲一精

卽郡東門士大夫祖餞供帳之處使君去任日父老獻觴垂淚而別

十六日丁使君內翰春日漫興第五和

出守江湖荅暮年不慚黃白對中聯府門有無愧黃居山白岳之句

官盡說來時好罷政方知去後賢失意漫云如下第輕
身翻喜得高遷登車大笑聊當哭祇爲蒼生一慨然

十七日浴湯池始晤日亭留宿益清樓

自視原非佛胡爲却有泥平提一池水洗剔半生迷赤
體無絲掛青山落日低愛君留宿處攜手上丹梯

十八日謁普門和尚塔

夢中垂像現浮屠手闢黃山出畫圖體化嬰孩啼拾得
心空鳥道鑿文殊橫江渡佛來燕冀卽四面佛塔抱石燃燈

照帝都

和尚每夜登天都絕頂揭竿燃燈光照千里

擲杖塔前聊再拜臨風

頻美好規模

十九日同日亭蓮峰諸道侶浴湯池西堂密證留
茶狎浪閣遍遊桃花澗而返

清心懸碧漢坦腹晒秋陽皎皎人皆見悠悠道不藏迎
風荷袖冷解帶楚蘭香撫體渾如玉臨流濯澗芳

二十日過慈光丈室晤菌人和尙

入門剛照面殘月帶衣鈎問齒空叨長論功爾獨優兩
眉同四目一日定千秋共向謙光裡清茶作獻酬

二十一日晤祖堂二水半隱兩道翁

逢人頻說項隔嶺自生慚學禮慚先進修容拜老叅啜
茶香惹讚哺火暖多談勸我焚遊屐峰頭卜一庵

二十二日蓮峰日亭讀我黃山遊草

入夜披詩秉燭探啾啾吟到葛之覃有人隔壁關心聽
風氣全然逼二南

二十三日浴湯池

科頭同釣侶赤脚下滄浪樹老懸孤笠藤垂繫短裳澡
身愁白芷靚影怨清揚嘯咏還幽谷衡門夢不忘

二十四日九龍潭

胸次偏欣與物齊獨遊無伴愛攀躋巖前九派多情水
見我流來接杖藜

二十五日咏水簾

雪砌玲瓏象玉樓
瑤姬夜織水晶鈎
珠簾不隔三山路
若個仙人在裡頭

二十六日晚歸

夜色來何處
峰根白一層
殘鐘催過鳥
流水逆歸僧
雲倦依簷宿
星爭出樹登
年衰添百感
打火讀傳燈

二十七日熊檠庵和尚塔前拔草吟

惡草橫行費剪鋤
無才拱手自欷歔
霜威却喜勝人力
一夕塔前盡掃除

二十八日宿雲舫

水活隨塔轉
禽閒見我來
更將新蠟展
重印舊蒼苔
苔竹

屋人孤隱籬門風半開
逢僧多道氣
髣髴似天台

二十九日宿雲舫

聽雪堆床滿
呼雲襯枕高
懷人翻墨汁
晚飯費松膏
伏蟄潛湍瀨
歸鴻報線綯
一龕彌勒共
短髮兩蕭騷

十二月

初一日宿雲舫

避跡耽高志
疎林守薄巢
鳴琴誇陋室
抱膝賦衡茅
斷簡蟲書亂
虛簷鳥道交
卑棲欣自足
窮達漫相嘲

初二日宿雲舫

滅火談衷曲
擡眸看屋梁
敲窓風弄竹
照夢月移床
惆

黃山遊草 卷之五 五
悵中宵笛相思滿地霜明朝愁覽鏡怪爾髮何長

初三日宿雲舫

養息知風候驅寒學火攻拋鋤思畫隱奮筆舞途窮近
雪窓先白迎霞面早紅乘桴真有約我欲駕鴻濛

初四日宿雲舫

謀隱頻勞勸相招願結隣有才堪易俗無屋可藏身掛
笠攀高樹擔泉帶遠津煩君圖畫裡贈我一茅新

初五日宿雲舫

聖朝容我懶不稅硯田農白眼驕千古清心肖一峰客
貧衣自結筆禿歲將終門已稀人跡何勞雪又封

初六日宿雲舫

寒禽頌伐柯啄木響巖阿山與人相愜泉憑道自和息
機閒照物清夜闕明河一默空諸有頽然而壁多

初七日宿雲舫

石落水聲遲孤懷冷自知衣穿風故入梅弱雪頻欺檻
嘯低頭竹窓吟縮項詩曉看門外路猿跡印水池

初八日宿雲舫

雪蘸老頭陀星星兩鬢皤石肥堪飽嚼筆凍可頻呵屋
似垂珠箔松疑佩玉珂閒居誇耳目託物興偏多

初九日雲谷晚步

杖短和烟抱身輕負壑行樹凝風自息水靜物皆明野
徑千盤曲幽懷一片平逢樵聊藉草小坐話浮生

初十日雪霽

脚轉東風步漸鬆雪消湍漲水溶_匕微軀莫道如椰子
隻眼能容六六峰

十一日探梅

爲探春信整芒鞋梅罅搜詩句自佳仰卧蒼苔剛坦腹
青天跌落道人懷

十二日閒居漫興

漱水心俱澹棲山體亦安幽風沉草莽大雅屬漁竿採

藥知霜信看松識歲寒年來貧自樂高枕一瓢單

十三日遣愁

聽笛風將變探梅歲又闌自期矜骨立不敢怨天寒黃
海孤遊冷青燈百慮攢遣愁聊默坐一并上眉端

十四日負暄

老怕西風剥我衣偏欣愛日暖柴扉最憐殘雪多情甚
戀_匕青山不肯歸

十五日山行

途窮託命愛年豐鼓腹狂歌帝力中風雨綢繆聊卒歲
杖藜落拓漫稱翁松當怪僻形難辨山到希奇理不通

覲面一峰真傑鷲分明與我筆爭工

十六日山行

率性無拘喜獨尋杖頭雲片落輕陰袖牽藤蔓雙鉤短
耳入溪流一貫深擲去腳邊攔路石掃除胷次礙人心
平生不敢忘恭敬手拱山樵意自欽

十七日二十八松圖歌

爾上不附天何以能永年爾下不繫地何以養我志爾
中不親人何以資其身賤子少年失恃怙此松與我同
孤露努力歲寒幸無怒

十八日二十九松圖歌

我比青松強斜陽影裡萬文長青松較我短月覆涼陰
遮不滿短長自古不須爭千秋物我兩俱平

十九日廩峰歸自阮溪見担上梅花

担頭如畫插梅花乘興挑來日未斜梅旅故人憐寂寞
預將春色報山家

二十日三十松圖歌

寧羨山下松不慕山頭草貞性歲後凋柔姿秋更老世
人不向根邊求翻誇寸木高岑樓

二十一日夜讀坡仙集兼懷瑞侯晉彥兩昆仲

老來識字勿謙多書借眉山謝二哥城却孤燈剛一笑

黃泥坂上見東坡

花裡傳書擲釣磯思君幾度換芳菲樓頭兄弟山頭客
共聽猿聲月半扉

二十二日代瑞侯晉彥兩昆仲懷黃山喫雪子

閒折青松當塵揮應知得句錦囊肥兩人夢繫相思帶
勾住吳僧莫放歸

二十三日三十一松圖歌

我非太古氓愛聆太古聲眇松知此意蒼翠含深情微
風亦不怒其氣自和平傾耳閱涼吹去聲時作簫韶鳴

二十四日祭竈詞

頭上青天尺五雲瓣香低向瓦鑪焚平生媚竈羞尼父
此夕何緣也拜君

二十五日三十二松圖歌

松在千年上人在千年下行歌絕壑中盼盼無可話三
代淳風拂杖藜六轡羲和還告夜方嗟血淚變江濤更
憐戰骨高嵩華熟睡松根歲月殘混然物我同時化蘓
張孔孟雜山蜂攪人清夢爭王霸

二十六日山堂感賦

客中懷抱那能開殘雪樓頭勝撥醅流水送人人送世
曉鐘催歲匕催梅垂竿自許斯文在荷纓還將浩氣培

后土皇天知我意此心未死莫教灰

二十七日三十三松圖歌

此松與我命同宮六月炎烝十月凍幾番霜雪幾干戈
回看寵辱皆如夢松宜皮裡有春秋我亦筆端能諫諷
年老無心百慮灰腹中歲久成空洞

二十八日憶同汪子禮常遊擾龍松余拜禮常不
拜戲吟一絕

半亭腹內有蛟龍不揖青山不拜松矯爾忒狂余過直
蒼苔匍匐笑龍鐘

二十九日松影

有小序

此怪松卽本來道者遊仙掌峰拔植庭除蒼翠之
容日漸憔悴固知此松老而憐念舊穴不服土性
而死衆欲斫而爲薪余忍覩其有楨榦之操一旦
從事於老寒山竈下爲焦頭爛額之客真可痛惜
乃代松哀懇乞其枯骨置之書屋中寒夜無聊卽
攜燈照壁戲閱其影以見余貧而自適老而好事
之意云

龍種天生卓犖才蜿蜒壁上走風雷青燈一點如靈藥
療取枯松活起來

除夜有感

光陰過眼手難捫誰遣霜花種髮根
默念此生真有味
自家流淚自家吞

雁黃布衲黃山遊草卷之六

江城喫雪大涵著

丁丑歲

正月

初一日五十一歲

愛修時服剪蘭芬身似無心出岫雲
五十昨宵方過去
百年此日卻平分
好憑物理尋新樂
喜沒人知改舊文
老作書淫頭漸禿
未能成佛是多聞

初二日三十四松圖
倦借松作牀便撥根爲枕
三般清味一瓢收
琴朕月朕松風朕

初三日恭謁熊堯菴和尚塔

恩深御棒等蒿輕
血濺彤庭合國驚
在日臣心真似水
塔前惟道冷清清

初四日三十五松圖歌

少年騎竹若騎馬
一步一搖一鞭打
馬兮爾胡不載我
出塞入塞掃清諸
夏老年跨松如跨
龍一馳一騁過一
峰龍兮爾胡不乘
我轉附朝儂遵海
而東

初五日得汪禮常口信

愛山愛水肺肝同
未訴相思歲又終
便口蒙君三問訊
臨流一笑謝東風

初六日晴允散步

谷鳥喚春風
春風在何處
吹我入門來
吹我出門去

初七日遣興

雪岑光耀眼
草屋暖炊煙
聽鳥情偏遠
看書意惘然
移蘭栽瓦鉢
染筆試花箋
自料多清興
應知勝舊年

初八日三十六松圖歌

泰山若礪可以漱
我齒
黃河如帶可以縛
松腰
河如帶

兮山若礪我與松兮駕安稅

初九日方希樵先生過訪

永歷時監軍道

黑頭紗帽變黃冠片語僧房淚幾彈
三百年來無剩物還留一箇老推官

初十日望雲歌

一雲江南來一雲江北太中路喜相逢
相抱還相語狂風忽吹散回首不知處

十一日三十七松圖

我命較松松壽長山命較松松壽短
春水明白日粲江有涯隰有畔山兮山兮齒無筭
只恐爾腹中藏火自燒

自爛

十二日雨中與方希樵先生話舊

男兒血性幾綱常國步蹉跎又海航
此日何人提舊恨聽君流淚說擔當

十三日曝背吟

有序

余客既久衣亦漸弊有呈坎如淨師者善針黹之
事爲余補破遮寒度此卒歲今時屆新春陽和日
暢因曝背簷前頓覺體氣稍甦而無瑟縮之態咏
歌以自悅然終不敢以此樂告人也

天暖我亦暖天寒我亦寒笑迎簷際日春向雪邊看

十四日唁松歌 有序

松之少也卽逢堯年之寒而得疋羸之疾踵遭神
禹洪水稽天之阨而膚受濕蒸之氣透入筋絡甚
至腹背皆僂而病不能伸矣松之齒稍壯復遇殷
湯七年之旱體漸耗而顏益悴再經秦火之變劉
項逐鹿中原乃避跡仙掌峰石戶之側頭角纒成
不日將挾雷電而有冲霄之舉有僧者侵傷其根
泄其金精玉液之氣遂枕石而殞余愛其死骨取
而植之燈影中四壁皆有龍蛇之氣復有一僧若
不喜其恠而擲之閣下鱗甲狼狽目不忍視余乃

撫松而泣曰清濁始判便有是松吾人受形氣於
天地之間不知幾生幾死若蜉蝣之楚楚出沒於
滄桑者皆是松之目覩而可憐者也胡乃以我今
日之目中反見人之奪其命而碎其軀乎豈非松
之生不逢辰而受其若是之困耶故作詩以唁之
并序其歷試艱辛之槩云

松如我命命如松手弄靈蛇常在握昔人愛馬買死骨
我生好松嗜枯殼昨夜枯松夢不祥今朝乞跌山樓傍
泣抱枯松慘不樂壞我蒼龍一隻角

十五日扶杖吟

步無遠近興毋固必目之所觸句亦赴焉此皆杖頭得力之句也故曰扶杖吟

雙屐疲登磴千巖費應酬衰年情益澹短策理無求既已將身隱何須用世褒對談非俗客石上有清流

十六日扶杖吟

草生春氣暖花發我詩香鶉首衣偏結蝦鬚履不方杖叨千古興跡寄一峰狂薄德酬前哲浮名愧莫當

十七日扶杖吟

道窮難蓋體志短不遮身浣衲迎新歲舒懷納早春無錢羞作客寡過勉爲人妍醜憑時棄浮生恥効顰

十八日望春謠

最惱騷人怕寂寥尋春不到望春謠眷言楊柳須珍重休逐東風弄舞腰

十九日扶杖吟

舊夢花千首新詩鳥一聯六書蟲代補三絕草堪傳岸腳春歸柳山頭水滌天物情欣有待我道豈徒然

二十日睡餘

空山戶不扃高枕忽忘形仰面思千里翻身見一星神清松對默耳靜水同聽垂老慚無補詩堪殿六經

二十一日幽蘭操

有小序

昔夫子停車空谷對蘭泣然鼓琴而歌悲不遇也
後賢習其遺響多作怨思之曲喫雪子曰懷香保
貞固吾人之性然也豈有怨乎爰修詞氣之和平
頗覺風雅之淳正云耳

君子體芳如畹蘭蘭託文光若君子君子在山蘭在野
信有香兮知者寡性不淫兮容不冶羞逐東風嫁王者

二十二日春霧歌

秋霜如利刀裂面剝膚怒我毛春霧若衣裳蒙頭汗背
暖我牀秋霜不好春霧好井中日出光皎皎

二十三日春風曲

春風若有贈侵曉把門開他人鬢邊白吹上我頭來

二十四日山窓假寐

枕竝奇峰宿拳支醉墨香觀身非故我把卷閱殘唐渴
腹填新學虛懷削舊狂不眠隣叟恠輾側響繩床

二十五日題水墨蘭

憔悴江南託舊根天涯遲暮怨芳蓀一花墮水吞聲沒
謹弔湘纍不死魂

二十六日丁使君內翰春日漫興第六和

宦海難防沙弩伏那堪今日中斯人民風乍喜初移俗
王事雖勞祗舊貧淇水千竿歌綠竹春城五馬憶朱輪

早知

聖意親賢牧莫帶笈簪便乞身

二十七日三十八松圖歌

峰頭遇德雲煙霞生背面有荷草蒲團體掛麻衣線遶
石自持咒一念刹那徧忽抱虬松入杳冥善財七日尋
不見

二十八日三十九松圖歌

松之精龍用迅剛柔濟陰陽順輔少昊止於良佐太乙
出乎震雨去聲六合神不吝封夷鼓其志雲翳喻其進一
爪爪東海一爪爪南海一爪爪西海一爪爪北海

二十九日四十松圖歌

老松產幼松不用卵其子孕精流到腳還從根上起根
上一松過父長甲其軀兮撫大荒子孫善典蛟龍職爪
跌綿綿王豨國

二月

初一日扶杖吟

山突人心出都從屋上看放懷登坦道束體佩幽蘭水
吸年光澹松磨日腳寒餘生知止足聊博杖頭歡

初二日扶杖吟

山色無高下憑余倚杖量風薰花欲醒露濯柳初揚數

黃山遊草 卷之六
上息調元氣裁文補獻章寓形聊物外捧腹一徜徉

初三日四十一松圖歌

青松呼白雲抱我上天行上天不是寄愁方白雲呼青
松抱我還落地地下豈有埋憂處神農嘗百藥可有醫
愁草草內有靈丹神農應不老憂入皮兮皮忽皺愁入
髮兮髮先白皮皺髮白兮老上頭來雲白松青兮聊與
徘徊

初四日四十二松圖歌

日出恨松頭日沒惱松腳干戈杳無憑聖賢多寂寞三
千年事冷纏腰一把亂籐青絡繹

初五日四十三松圖歌

我將挑取蒲團松乘興踏徧崑崙峰又欲拔起蒲團石
放膽直跨扶桑國少年有志老無成怨松恨松遶松行

初六日四十四松圖歌

松何家石爲屋松奚姓龍爲族風雨順之不悅怡雷霆
鼓之不敵鯨一叱天地寧一怒滄海伏三年學得屠龍
技獨入黃山抱松哭

題米家山

人世總模糊天地亦懵懂莫恠南宮潑墨山板凳橋邊
雲氣滃

四十五松圖歌

惟爾空腹中春來頻起霧微茫一縷愁散滿六合樹騷
人觸此愁拳芳淚嗚咽音離婦觸此愁攀竹眼流血須

臾日出麗山椒霧脚慘憺風飄蕭啣愁還向松腹消

靈隱同學古鑑過訪

月照江湖影各天鑿頭踪跡兩茫然那堪此夕逢君處
恰在軒皇藥竈邊

初七日與古鑑同學遊前後海還宿雲舫

雪消屋背濕星洗樹頭乾竹影勾春轉茶聲溼夢蘭鑪
香熏袖暖燈蕊助人歡欲睡門休閉山畱枕上看

初八日與古鑑同學遊獅子林始信峰石笋砢三

仙共傘擾龍松一帶夜宿獅子峰呈默菴和尚
枯木法身椿青蘿作蓋幢煙低浮野郭日落動長江越
宿灰包火移春雨度牕坦眠床欲走山鬼任他扛

初九日宿獅子峰

隔水看明月清光若有聲谷風搖薄袂荷露卷殘夏抱
石甘真隱臨流不洗名白頭多浩氣偏向斗邊橫

初十日宿雲舫

床脚疑臨水簷牙欲比星結籬憐草媚擁衲護蘭馨月
自心中白山非身外青冷風扶杖影吹上石苔屏

角枕煙霞粲衡門水石香霜磨松甲赤雪蘸道心涼谷
響誰爲籟春暄我亦芳晚成期自達寢息念周行

十二日宿雲舫

暖風蒸石面和雨種雲根閉戶愁難遣翻書默自溫懶
眠簔作簞笑飲竹爲尊又補西牕話頻勞剪燭煩

十三日宿雲舫

遠峰收宿雨微火炙殘鐺流水通春信鳴鳩賀晚晴胡
麻畱客饌瑤草學仙耕明日堪乘興肩鋤採藥行

十四日宿雲舫

漱茶詩落口抱火夢垂頭耳順隨溪轉心平聽鳥流開
門非有待高枕若無求野性寒能耐何妨帶雪遊

十五日宿雲舫

猿啼天柱半午夜月初高喬首窺河漢懷人誦木桃春
耕修破耒晚課補離騷杖策拔黃海輕身等一毛

十六日宿雲舫

活石何須種真丹不用燒美人翔木末玉笛舞山椒白
首名根盡清談日腳消昏昏雲霧裏寂寞又終宵

十七日與古鑑同學踏雪返雲谷

堅冰十五里步踏玉崑崙孤筇穿快雪一滑到峰根

翠巘弄春暉寒泉吐巖穴山放白芙蓉光剩一朵雪

十九日古鑑同學索詩祝開一大師五十初度

還山隨例獻靈芝便把茶卮作酒卮零落布毛消故我
洗磨石壁換新詩床聯夜雨談行腳面帶春風長壽眉
水牯出欄芳草足掀天鼻孔幸無羈

二十日送古鑑同學省師東海國清寺兼返膠西

掃墓

離家博得滿頭霜想見兒童過我長把臂故人欣話舊
入門老樹憶追涼知君善與師揩背觸手能教佛放光

盡說慈親雲裏笑道成馬祖好還鄉

二十一日山行見蘭

遇爾聊停轍鳴琴怨素王連山多衆草不掩一蘭香

二十二日扶杖吟

芳草晴牽杖春雲暖趁人間憑蜂率性坐學鳥修身拂
石和衣臥看梅仰面陳微風知素履蕭灑不生塵

二十三日四十六松圖歌

赤帝有遺精南國多龍種豢成頭角雨烟中老怕見人
還自重猿啼莫自憐鳥喚休相弄當年曾食軒王俸

二十四日四十七松圖歌

有箇軒轅松生在窮途邊翠毛日零落白首不見天哀
叫渾疑蜀杜鵑旦旦呼人高樹巔何日會逢雷雨便平聲
九臯啣雨灑平田

二十五日四十八松圖歌

我願松登天慚愧愛莫助雷爲松之足雲作松之翥山
頭昨夜抱松去清曉開門不知處

二十六日聽音樂鳥

二雅林端鳥作羣雪融春氣晝氤氲新調律呂聲猶窄
古尺量來欠一分

二十七日招虞山二樂閣眼還和尚來山掃熊檠

菴和尚塔

眼還卽熊檠菴之泐嗣

故國衣冠變綠苔塔鈴午夜響三台肩鋤誰覓先師骨
白日黃山浪裏來

二十八日代三峰昌來同學懷黃山喫雪子

抱琴直欲訪崆峒六六峰高只此公聞道老顛逢石拜
禿頭班裏米南宮

二十九日熊檠菴和尚塔前拔草吟

幾回拔盡復生根一寸閒愁長舊痕不信春風亦偏黨
又吹草上直臣門

三十日熊檠菴和尚塔前拔草吟

玲瓏拳石插空林竊比先生七竅心千古莫教青草沒
敢將拙斧刈春陰

三月

初一日寄和黃耿士先生兼訂入山之約

老逐奇松耐薄寒身憑苦菜味中安夕陽採藥褰裳易
春水思君欲遡難惟石近人交臂失幽禽呼我掉頭看
黃昏踏雪歌招隱趁此梅花落未殘

寄和黃耿士先生之二

芒鞋一步一峰寒枕石偏欣夢亦安世上浮名空自好
杖頭揆草見人難花飛點筆開詩眼山入閒牕抱道看

坐等黃公梅已七獨憐香雪伴春殘

初二日寄和黃耿士先生之三

新詩贈我扇頭寒疊和誇君押韻安黃海峰巔搔首暮
白榆天上寄愁難啣將短笛攀梅訴讀罷離騷攬鏡看
手弄芳菲應自惜香風兩袖又吹殘

初三日寄和黃耿士先生之四

雨過清明竈自寒禁煙蕭瑟道相安採薇支腹筐偏仄
緩步爲輿路不難蓑笠狂歌披草坐山花冷笑要人看
莫羞腳底芒鞋破六六峰頭盡踏殘

初四日寄和黃耿士先生之五

相思月溼滿床寒欹枕懷人夢不安苔繫新交留屐晚
籬編古道結繩難春鶯遶樹憑欄聽老眼穿花帶霧看
詩當折梅聊問訊入山有興莫教殘

初五日素公乞松壽浩如先生四十

孤松託跡寄黃山除卻閒雲莫可攀霜榦如桃還結子
也隨三祝到人間

初六日練樵牧邨兩昆仲讀我黃山遊草留詩而

別卽和生字

鑪分宿火種清明小閣吟詩半雨晴友託青山聊遣興
鳥啼白雪互相賡弟兄入岳投床拜草露沾衣看竹行

壁上一燈人似夢相逢何必記前生

初七日代半亭先生解嘲

散盡千金守敝廬蕭蕭風雨茂陵居狂名無地堪藏跡

又報山僧乞墨書

雲舫有乞醢之書余有乞墨之帖故戲有此作

初八日雨後

風捎梅蒂落雨放樹頭開故我拋蟬殼新詩出蚌胎春
光歸柳絮世事付山杯寄語溪邊影何須老鬢催

初九日撫松吟

山林富有詩非魏亦非晉春草發詩芭松風續詩韻明
月照詩眼白雪逗詩柄啼鳥與落花句句多敲正體茂

黃山遊草 卷之六
蕨拳肥色深 蘚髮潤水石欣盤桓 雅頌道彌振 世有面
墻人大笑不知信

初十日曉起觀仙掌峰雲氣大奇忽信口得空腹
積高山之句遂促成之

空腹積高山懷石兼懷璞迴腸盤大江肺肝奠五岳効
山仁者壽効水智者樂若肯誓來遊執鞭我願學信步
越千巖憑君一宿覺

十一日四十九松圖歌

斫桂爲漁舟天上乘槎犯斗牛採蘭作香餌峰頭垂竿
釣龍子龍子化松石磊磊頭角依然還不改一曲滄浪

歸去來前海後海及西海

十二日扶杖吟

鳥歌樵子路花笑道人門拍水魚分子扶籬竹有孫忘
機神已化樂善性猶存漸喜春衫薄時交穀雨溫

十三日扶杖吟

僧高空翠養梅冷暗香蒸南畝將修耒東郊未鑿冰蒼
龍噓草出紫燕逐花興託跡浮雲外安貧且曲肱

十四日山行

獨愛尋春屐自提一身如画趁閒題籬將試笋憑雷喚
山欲留儂倩鳥啼雙鬢亂雲衝耳過一簾飛瀑與眉齊

爾峰性固高無厭我亦情癡不肯低

十五日五十松圖歌

贈松土一握松貌默不樂贈松一握雪松鬣鏘然悅乃
知所好各不同馬喜順風牛逆風吐甘茹苦良有道屈
到嗜芟曾哲棗

十六日山行

銀沙碧草靜纖穠禿帚啣花掃暮鐘雨助細雲吞大石
風呼流水咽孤筇餐霞性喜燒丹竈辟穀身閒伴赤松
老踐軒皇仙去跡臣僧慚愧轉踈慵

十七日山行

落花將雨沐苔茵香我柴門履跡新濠濮之間聊自樂
首陽以後敢稱貧林藏恠鳥頻敲木薜隱山魃若喚人
寄語芳蘭幽谷底與君同道莫相嗔

十八日望下海歌

我適望山上雲卻頓山下我方望山下雲卻冒山上雲
兮雲兮與我相左氣竭西山道窮東魯

五十一松圖歌

松愛健談空聽者浮丘公崖根不死神農草枝頭面拂
軒皇風

十九日浴湯池

生涯近釣磯不敢怨山薇洗腳消禪縛披懷遠世機香
沙會日暖淥水映蘭肥浴罷還乘興峰頭一振衣

二十日懷汪半亭先生

別來音信不曾踈白首相思託荷鋤十里閒花愁暮雨
一燈殘雪訴離居尋君鳥勸看山屐顧我僧傳隔歲書
爲念窮冬誰作伴興攀枯木互吹噓

是夕二水老宿讀我黃山遊草

水滴山房漏更添澹然相對兩無嫌時逢落魄偏多傲
詩遇知音不敢謙身趨一瓢貧自善道兼六藝氣何恬
擬將蠟屐峰頭掛乞我蓮華一草苫

二十一日武林斗山道兄讀我黃山遊草

破書一束盡平生攤向君前任品評片笠杖挑行腳樣
五言詩建受降城青山數上聲字顰眉讀黃鳥啣花上樹
鳴大雅年來誰作主鷄林墨搨總虛名

二十二日喜聞潘稼堂內翰吳鱗潭祭酒及陳周

綸汪文治王名友諸先生將至湯口余同二水
老宿步迎於桃花澗上遂浴于湯池

喜將見君子先以沐蘭湯真性融丹火清襟襲澗芳枕
流名愈潔漱石齒偏香不是逢軒冕平生懶下床

二十三日喜晤同鄉潘稼堂內翰

祖宗耕鑿傍垂虹

卽吳江垂虹橋也
內翰與余同姓

苗裔分流品不同

緇衲慚余將百結袞衣羨爾近三公立談便喜通鄉曲

覲面偏憐問土風翻借黃山爲介紹杖藜相見白雲中

午後與潘稼堂吳鱗潭兩學士及陳周綸汪文治

王名友三先生二水半隱二老宿齋於慈光丈

室卽席呈政

翰院威儀入岫遲老樵亦喜抱鋤窺花迎佳客擎紅袖

身獻歌筵唱翠睂器小遠公偏欠酒道高摩詰只烹葵

稼堂長齋學道頓悟上
乘得法於濟上尊宿

更呼童子研香墨乘興還邀學

士詩

五十二松圖歌

松頂四角平問爾三十六峰何日平松聲萬古清問爾

九曲黃河何日清我願學松平閉戶空山無怨聲我願

學松清饑來拾蕨燒孤鐺

二十四日與潘稼堂吳鱗潭兩學士及陳周綸汪

文治王名友三先生上文殊院口占四絕

步遂籃輿貌不羞荷衣亦愛染風流歸來誇與兒童道

此日真隨顯者遊

豹皮褥上氣揚揚刮目峰青臥石床兩腳黃泥時踞坐

公卿堆裏草鞋香

三月深林放野花龍翻石上試新茶春山繡出袈裟地
那箇峰頭不我家

芒鞋喜踐大人蹤石磴盤旋遶數重最愛狂飈呼脚起
一齊吹上老人峰

與潘稼堂吳鱗潭及陳周綸汪文治王名友坐蒲

團石

達磨杖荷石蒲團鏘然跌落天都上冷壁窺人毛髮空
頓令風月無邊廣一片苔分三種人學士秀才與和尚

登玉屏峰

此峰嶮峭摩霄余嘯擲其巔潘稼堂吳鱗潭兩學

士及陳周綸汪文治王名友三先生皆不能上倚
松悵望而已

攀躋凌木末領要占君先仰盼看僧小狂呼剩笠圓履
蒼環衆壑面翠逼諸天一擲通身膽誰能盡此巔

同潘稼堂內翰宿文殊樓夜觀星象

虛牕照夜不須扃琥珀流光樹有靈莫向維揚問牛斗
仙樓對面活文星

二十五日與潘稼堂吳鱗潭陳周綸汪文治王名
友自文殊院返慈光

千葉蓮開拔地寒爭奇背面不同看迴頭換卻遊人眼

化作徐熙墨牡丹

稼堂指蓮花峰曰昨看似蓮華今又像牡丹矣

喝石基邊想結菴轉身忘卻興來談最憐老衲翻經處
輸與猿猱月下探

一松送我一松迎枯木窺人若有情惆悵別君山下去

明朝愁見暮雲橫

捉去爲官鬢未秋御香日惹鳳池頭廿年憶汝真天上
不料今朝把臂遊

隔樹相招笑點頭老人抱膝歲悠悠一丸授我長生藥
口裏啣來到十洲

樵擔挑茶尾客行一杯一步一黃鶯疎林缺處逢樓閣

忽報慈光午磬聲

午後同潘稼堂吳鱗潭陳周綸汪文治王名友二
水半隱二老宿齋於慈光那是軒

蕭蕭車馬鬧斜陽貴客臨門侍者忙席上不翻燒肉案
鱗潭吳祭酒盤中依樣點蒿湯虛懷論道貧偏懶健口
有東坡之癖

談山老自強長揖羣公先告別步雲亭畔盼清光

別潘吳兩學士返雲谷

小別桃源踐落梅柴門我去掃莓苔効他烏鵲傳佳信
報道山中學士來

至湯泉適稼堂內翰解帶入池余不得浴過而有

作以志漫興

行過祥符叫子規探湯無分汗淋漓池頭萬丈文光燄
正是潘郎戲水時

二十六日昨約潘稼堂吳鱗潭兩學士迎於步雲
亭余適後至

籃輿忽訝到踈籬當面模糊被雨欺笨鈍老僧多懶態
步雲亭上接官遲

相期亭畔此追陪不慣迎人老鬢催多謝先生聊薄責
苦茶依律祇三杯

集傳盃堂潘稼堂吳鱗潭讀我黃山遊草

爲愛青山讀我詩高寒一字一峰奇有時擲卷看山立
水滴雲根落句遲

學士擊詩玉手柔低眉數字眇雙眸先生口不形褒貶
花落無言亂點頭

詩如寶劍插空囊爲遇知音故慢藏更喜王孫偏獨好

王孫指王名友也抱詩秉燭上繩床

二十七日同潘稼堂吳鱗潭陳周綸汪文治王名

友宿雲舫

清樽一燈裏

座上八人徽州四人蘇州四人迥然風韻不同言貌各別東西相顧忽悟其由不覺

哄堂大笑言貌兩般分石與人爭座花隨友會文遶床堆墨

妙側席刺蘭薰画舫同宵泊身疑一片雲

二十八日同潘稼堂吳鱗潭陳周綸汪文治王名

友登光明頂看雲海

拂衣瀟灑上光明拋卻籃輿愛步行一鳥催春花盡吐
五丁剗石浪鋪平白頭頓起乘桴興碧海真堪易我情
學士才高談笑裏胸中遊記已先成

稼堂別後有黃廬遊記

同潘稼堂吳鱗潭陳周綸汪文治王名友遊丹臺

歌

適過紫玉屏俯視海門一帶崔巍挺秀青匝數重
危峰劍躍恠石樓飛加以輕烟弄彩薄霧流輝開

闔隱顯之間神搖無主日接愈奇稼堂學士欣踴
奔悅悵然大叫曰奇絕奇絕鱗潭祭酒竊牽余袂
而喜曰賴此丹臺片石我老師今日始降服矣昨
觀師生相愛之切雲峰變幻之奇喫雪子遨遊兩
學士之門曷不序而歌之以飾其雅好之情他日
黃山誌中可不增此一段快事以助山林之鼓吹
云爾

鍊丹臺上春雲開海中湧出三蓬萊龍耕玄圃瑤草短
島門吹笛仙人迴鍊丹臺上春雲閉百萬貔貅空裏逝
偃旗仆鼓寂無聲啣枚凜受將軍制狂風怒叱春雲走

亂石空中撒星斗丹竈腹中藥必靈帝命矮松還抱守
學士載筆窮山川一河一岳一華篇南尋禹穴北歷燕
然記遊十尺高如肩一見天都墮其口領略平生此爲
首九疑五岳若懷羞武夷羅浮亦嫌醜老師降服丹臺
傍笑倒門生吳祭酒

同潘吳兩學士及陳汪王諸公自丹臺遊西海門

過石鼓峰宿獅子峰作

踏踏西海門路迥巖勢削十步一肩輿五步一停腳絕
壁煨午餐兩石架一鑊擘黍雲氣香窪樽玄酒薄鹿場
忘貴賤虎穴資磅礴禮樂不相攻天地亦冷落自愧叨
趨陪抱筇惟守約禿頂縉紳前儀文先以略佛性不敢
論乘機惟諷託聊爲附驥行勝跨揚州鶴日暮叩僧廬
張燈破寥廓嚼肉傲瞿曇不受小乘縛

同潘稼堂吳鱗潭陳周綸汪文治王名友訪獅子

峰默菴和尚不遇稼堂先生有詩寄懷余亦步

韻

入室自悠然斯人邈何處定向此山出還向他山住竚
立盼巖阿惟見野猿敘一石默無言貌瘦若相遇舉義
問溪流偈若干瓶注手撥一鑪灰只剩半箇芋白雲暖
被床蒼蘚軟堆絮花落象王回草芳獅子踞始離終不

分昨合亦非聚老衲漫無踪蒲團亦有趣德峻筆難傳
道高誰敢譽口飲黃山泉日望天臺樹肩輿莫相催念
爾遲遲去

二十九日同潘稼堂吳鱗潭陳周綸汪文治王名
友自獅子峰將探擾龍松始信峰石笋砢一帶
遊人曉愛杖頭晴笑逐籃輿雜語聲識路自憐如老馬
撥雲放我上前行

至石笋砢

峰頭來學士石面有光輝玉笋烟抽籜虬松草織衣快
遊奇不偶旅坐冷忘歸枯木瓢誰掛蒼苔跡漸稀

登始信峰懷草堂主人汪于鼎歌

只見草堂基不見草堂屋桂梁椒壁屨氣縮不見草堂

兄只見草堂弟

時文治作
伴同遊

聯屐名山謁軒帝學士懷汝

兄卽潘稼堂

煙中目眇春愁生祭酒懷汝兄

卽吳鱗潭

花邊側耳

聽流鶯王孫懷汝兄

卽王名友

溪頭弄水含深情吳僧懷汝

兄卽余喫雪子也

笑將玉指吹鸞笙草堂兄兮何不歸樽有酒

兮山有薇草堂兄兮何不來一松一石好徘徊

飯雲舫暮歸雲谷

飯分香積午溪鐘十里春山破笑容笠屐滿堂人雜坐
煮茶烟出樹頭濃

同潘稼堂吳鱗潭及陳汪王諸子遊澗上桃花

水底紅霞媚客襟天桃扶爾看青岑東風有意將花片
不打山僧打翰林

客到琳宮罷晚叅閒吟野步送餘嵐一籬軟草花千點
石上聊同抱膝談

步曳殘花珠履香隔溪鳥語似笙簧官人坐處春苔暖
三日風吹不肯涼

薄暮讀栗亭先生手書兼惠紫霞茗

僧傳竹簡到幽居梅旅移春寄我初對客解包爭一笑
呼燈草奏謝茶書

笑彼他山總飯奴阮溪佳製更清癯此香無價詩堪敵

韻脚茶鎗兩不孤梅旅寄茶至即取九龍潭水烹之與
潘吳兩學士試於傳鉢堂香味雙絕

共稱
逸品

閏三月

初一日潘稼堂先生序我黃山遊草刻燭告成曉

同吳鱗潭祭酒及陳周綸汪文治王名友諸公

讀於傳鉢堂誌喜

黃海搜窮詩一擔敢圖不朽附空談先生序我龍門筆
作者無慚受者慚

學士新裁遊草篇諸君爭道語如仙雕蟲何足誇千古

價並三都忽浪傳

初二日雨中送潘稼堂學士

一官何足繫窮通載筆遨遊五嶽中家寄吳江楓落裏
與君得句冷相同

送陳周綸先生

偶向天涯話死生交因同土更多情卻憐馬祖還鄉晚
笑裏含愁送汝行

送吳鱗潭祭酒

不厭吳僧老善貧師生揖讓我爲賓山行十日忘飢渴
細雨攀輿送主人

梅莊臨溪一夕有魚萬尾聚於閣下楞翁更字鱗潭以應其瑞

送汪文治先生

汪氏兄弟徧徵海內巨卿作始信峰草堂詩及稼
堂先生登峰造訪不見草堂一笑而返昨因文治
出山余故以詩嘲送不妨寄呈于鼎用資噴飯耳
慚愧君家好弟兄徵詩海內徧題名草堂卻喜今無恙
學士登峰笑一聲

送王名友先生

肩輿出戶雨湯湯回首千巖膽尙寒薄霧離情雙袖濕
還家莫便曬衣乾

初三日我事濟矣歌爲吳鱗潭祭酒賦

有小序

鱗潭先生山行而飢顧問從者曰可有肉否從者
荅曰有先生捧腹而笑曰我事濟矣竊觀先生既
負經綸之資兼抱濟世之器得君行道何所不濟
而乃甘心於杯酒塊肉之間耶此蓋興不自知而
有所託耳喫雪子因悅其語之寬懷知足和氣得
中先生蓋有道者也謹撰短歌一篇以壽先生進
酒之勸云耳

萬事過眼如嚼蠟一嚙到手真有味不須騷經頌酒經
莫與椒蘭惹閒氣入朝媚至尊低頭嘗見地慚愧五湖
稱傲吏出朝迎上官仰鼻看人面叅政拂鬚安足美一

曲淵明歸去來手撫孤松言可踐抱琴夜入桃花澗提

壺曉踏文殊院興來便借文殊座浮丘拍掌欣相過蓮

蕊峰高肉滿船九龍潭澗酒如泉

蓮蕊峰上有一方石橫空而泊名曰蓮船

山有良朋庖有肥荈解帶傾饑盡醉而止笑語從者我
事濟矣

初四日和開一道侶春日晚步

隔水喬林富門開釣者家春歸魚仰絮客散鳥啼花野
岸登殘日江帆集暮霞薄遊聊採句香草一囊奢

初五日贈文殊道上臥龍松

笑彼孤松睡正濃蒼生兩字不關胸年來亦有東山癖

不敢高聲惱臥龍

初六日山寮夜坐

空山無夜警何用鳥傳更入戶三星粲攤書四壁清人將休伐樹我已厭餘生翻笑燈前影愁眉壓未平

初七日宇嘉先生過晤索讀黃山遊草

那期山外有閒名遯世誰憐又不成拙稿面呈聊博笑煩君齒讚苦深評懶因同好稱知己交爲忘形識性情冷坐松陰頻側耳臨流聽我話無生

初八日扶杖吟

喚雨鳩乘屋偷春花出墻老貪爲善樂貧愛養生方展

卷心偏細看山力自強冷然人欲醒松子落衣裳

初九日送潘稼堂學士遊廬山

稼堂先生黃海之遊旣畢續有廬山之行謂余曰子亦我鄉之人也可無半偈乎余曰諾別後余嘗夢入廬山偶過一寺樓閣靚麗清規肅然擬遊三疊泉而向一老僧問路僧杖而指曰只隔此一峰耳醒而卽和東坡原韻悵然遙送

解帶重登五老峰

依舊來遊我夢中

初十日聽音樂鳥

何人典樂頌新聲聽去茫茫百感生以雅以南真不僭
果然笙磬一時鳴

十一日潘稼堂吳鱗潭兩學士及陳周綸汪文治
王名友三先生爲熊堯菴和尚塔前拔草吟有
小序

諸公恭謁禮畢俯仰留連低回不去舉各欣然出
手刪其遶墓之宿莽喫雪子曰天下祖庭之塔頗
多未聞一日有兩學士共向塔前拔其草者余特
誌之姑爲三峰腳下以稱慶耳卽前三月二十九
日也

丞相祠前拱木春門生兩世拜清塵

稼堂出堯菴和尚
之門鱗潭又出稼

堂之門故
云兩世

漫言君子無朋黨一夕多爲拔草人

十三日扶杖吟

細雨敲黃岳微風捲綠蕉折花初轉盼看竹又過橋淑
氣魚能泳春光鳥善調樵家茶事起人語簇山腰

十四日送春歌

送春歸江東鯉魚吹起落花風送春歸江南十里紅樓
燕子酣送春歸江西嬌鶯喚客酒旗低送春歸江北黃
河日夜流不息春有歸兮余不歸郵亭悵望揖斜暉春
有處兮余無處杜若含愁泣芳渚春兮春兮一年一逢

身似閒雲無定蹤春兮春兮一年一送白髮欺人頭上
弄

十五日潭上作

看山人化山聽水人化水拋卻釣魚竿不識誰爲己

十六日與雲谷諸道人中源打筍

亂流遶樹水湯湯泛彼槃阿杖作航芳芷匿人如謝跡
好花當面只聞香雲將出岫迎新夏鳥送殘春轉夕陽
筍角槎枒青一束荷鋤歸去話滄桑

十七日五十三松圖歌

家住西海頭即西海門人苦山幽幽一蓑煙雨臨滄洲下視

白石如羣鷗蟾蜍作餌玉爲鈎釣得蒼龍壁上遊壁上
喚龍龍不下冷抱銀河空裏瀉

十八日浣衲

閒披敗衲臥巖隈黃染山泥綠染苔惟道近來吟興好
半肩詩眼簇新開
理見難分鹿與麀功勳慚愧未能忘浣衣本是貪高潔
反惹花溪一片香
揭衣涉水杖頭挑砧杵空鳴枉自勞習氣多生滯不去
淚痕兩袖續離騷

足底無塵淨可知領頭微膩起瑕疵素衣染後終難白

枉被清波笑我癡

十九日眼草鞋

濕雲拖石起細雨挾花行
種藥消閒課攜鋤格晚晴涼
風薰鶴夢宿火沸茶聲吟罷逢樵唱何妨一再賡

二十日和丁使君春日漫興之七

聖恩特簡鎮非常回首思君路渺茫
薄宦自憐同阮轍招魂誰肯祝巫陽
琴樽失職知無過屏展書名幸不忘
言念美人孤棹冷一汀杜若寫愁妝

和丁使君春日漫興之八

最憐撫字入人深梁上地名漁樵講至今
抱馬蒼生終灑

泣揚鞭黃嶽豈閒尋一錢尙可攀劉轍
千里難憑借寇心此去校書熬閣晚呵毫懷我動幽襟

二十一日九龍潭

倒捉孤筇興不禁短蓑蓋膝費幽尋
東峰過雨西峰日前步初晴後步陰
黃鳥投懷知樂趣青梅入齒鬪酸吟
瀑聲的是孫公賦落石如聞擲地金

二十二日晚歸雲谷

老牧溪東歸不歸人同黃犢抱長飢
南山歌罷誰相和一鳥呼僧聒翠微

二十三日熊槩菴和尚塔前拔草吟

薰蕕自古道相踈癩疥乾坤尙未除卻恨汝曹非我類
不辭風雨忍教鋤

落花

黃海春多雨山頭好放船落花無次序紅者卻爭先

小鳥

小鳥綠如豆啾啾撒滿樹花裏樂羣遊見人忽飛去

二十四日五十四松圖歌

昔日駕軒皇乘雲還帝鄉領下龍髯萬丈長小臣拔墮
烏號傷吁嗟乎軒皇不出兮爾復何來轆軻失職兮淚
落蒼苔馬病不行兮奈此崔嵬

呼雲謠

薄暮倦臥石上仰覩片雲隨風翱翔悠揚而去余
乃呼而戲與之謠其謠曰

一雲山際起載我空歡喜一雲溪邊流載我胸中愁兩
雲相伴相向飛離哉翻兮練清暉水漠漠兮山巍巍此
心欲寄知音稀日暮臨高臺閒呼野雲來雲忽來兮庶
幾徘徊雲忽去兮誰將告哀

山行口占

山當雨後體微涼巾拂聊爲道者裝一路好花香不斷
春來直接嶺雲長

二十五日捫石歎

水清明我心樹綠淨我體關關相和鳴好鳥如兄弟儒
林不讀書樵家不習禮堪憐野史亡捫石空流涕

五十五松圖歌

冷然千歲姿熱抱一腔血休道軒義稱世家保身只合
卷其舌擬向人間弄雨雲只恐歸來雙角折

五十六松圖歌

一根慣走陽枝葉色茂氣方剛一根慣走陰皮骨清羸
愁不禁吁嗟兮賦命同天理無二一身卻抱陰陽異何
况生民有憔悴

五十七松圖歌

手拄菖蒲根惻悵虬松傍注目想荒古羈旅懷衡湘棲
遲如有託莫怨饑無糧天寒麗其子日夕妍朝霜

五十八松圖歌

爾松何吝辭顧我默無言誰謂爾無言月明風起濤聲
喧濤來漱耳若提耳濤來拂面如面命耳提復面命賤
子安敢忘稽首頻涕泣許身道自將聊同心所敬何用
不我臧

二十六日五十九松圖歌

我生莫學長干草陌上隨風只顛倒我生莫學西湖柳

媚人起舞亂垂手我生願學黃山松雖慚鈍質不化龍
猶喜託身六六峰

宿雲舫

假寐倚繩床飛花點夢鄉著書藏玉洞搗藥和瓊漿裁
屐登黃岳烹蘭染素裳澹交真似水曾次兩汪洋

二十七日宿雲舫

山鳥報更籌僧房響夕流雪捎雙鬢短疣贅一身浮舌
共吹燈話心同聽雨愁術疎慚莫售養拙幸無求

二十八日宿雲舫

是夕與雪莊大師遊天馬塢俗名牛角塢或曰梅

花塢余因塢中有一石馬故易其名曰天馬塢

相呼石馬行舉趾弄陰晴抱道敲松子懷騷採菊英杖
吞山欲飽履咽路難平戲擬將沙聚閒思插一莖

二十九日宿雲舫

推窓泛海棠箬屋勝虛航閏月脩詩課窮途辨道糧樵
歌摹淨梵猿嘯學清狂碧澗粗如我逢人吐直腸

四月

初一日宿雲舫

黃海花如浪柴門疊幾層杖和香次立路卽鳥邊登茗
碗依人集琴書雜座興衰年何所好山水託良朋

初二日欲渡蓮花溝登文殊院失道誤上蓮華峰
惑人多處是三义惆悵難尋舊日沙腳底自欣猶帶眼
卻因迷路到蓮華

同文殊院主本鑑尋蓮華洞

洞口猿猱弄蘚錢石床石凳只空懸陰崖溜滴侵人冷
六月應須抱木棉

宿文殊院

牕插斗杓寒樓藏世界寬落花春在地旅客夜憑欄野
火燒天走蒼藤遶樹蟠呼筇浴丹水扶我下煙巒

初三日浴湯池

一笑落清波神寒更切磋卻教無覓處須假用功多相
體誰堪選逢人貌自和聊同曾點樂歸興咏而歌

丈室夜話

最苦交情禮自防掃除客氣愛尋常披懷抵掌無私蘊
信口狂言不覆藏三月傳書飛鳥健兩人相憶落花忙
夜闌依舊開簾送喚取燈光照上床

初四日丈室小叙

隔峰有信到樵家欲叙閒情又請茶眼裏瞳仁交漸熟
鏡中肝膽照無邪幽襟綠噴千竿竹素侶香分九畹花
來似行雲歸似水與君相對若浮槎

黃山遊草 卷之六
初五日同密證斗山日亭蓮峰且慙諸道人遊羅

漢級

挈榼尋芳選碧苔杖扶老興共追陪欣同衆樂花邊集
笑把孤懷石上開鳥坐綠陰調玉管僧憑流水送茶杯
此遊紀勝遵脩禊詩和蘭亭我再來

初六日將登白岳別密証斗山日亭蓮峰諸道人
白岳邁人征曉色開人與諸子笑盈睂悅我耽濟勝光
餞二山門稽首楊朱徑笑指紅木蓮歸期此爲證有鳥
若呼名蒼茫余不應

又

空手入慈光不慚貧者操荷擔出慈光放懷登遠道日
亭有鄉情簡默少喧噪爲我盪遊裝事事卻周到蕩蕩
兩腰包名山資嘯傲

宿湯口真隱堂

入戶逢香飯留僧薦笋蔬興貪居士墨狂蘸故人書隔
壁聞釵釧安禪就草廬別君持釣餌黃海一樵漁

初七日曉發湯口越江邨飯雙嶺御泉菴

出門何所之大道直如矢樹綠比肩行峰青隨腳起千
里勉其終一步敬其始江邨覩石人簪花覆雙耳橋俯
碧流中鷄鳴翠微裏嶺頭逢御泉松蘿沉到底興王固

黃山遊草 卷之六
有徵效順龍出水入菴將告飢僧面不通理冷竈困塵
埃齋堂走封豕冷飯冷茶澆朽腸咽半李感德向他人
懷慚還自己嗟爾落魄軀何如陳仲子

出雙嶺口過高橋儒邨途中感賦

下嶺鳴關關一鳥啄寒木山深野廟靈松涼神氣肅側
見採茶姬抱兒當路哭傾筐若懷人揮淚灑黃犢白日
眷乳苗清風弄幽竹迢遞越三村惆悵同一日疇昔有
良師吐華甘守樸仰面傲伊周低頭愧童牧讀書不及
錢吃菜不如肉父母養我身何以暴荒谷

過阜嶺喜晤俞氏伯仲暮抵三姑殿而別

獨行豈無言託之林鳥喧獨行豈無愁付之溪水流獨
行豈無朋賴彼高陵嶒獨行豈無徒枯木秀雲衢道遇
俞氏昆斫壤二郢天問我來何方對之曰姑蘇談笑過
阜嶺左右時相須導引棲息處三姑臨水隅日入揮手
別荷擔分途趨寤寐懷斯人樂與同其愚

初八日曉出三姑殿途中遇雨

棲遲古廟抱燈眠出戶無聊憶惘然一卷素書黃石授
半生岐路白鷗憐狂風墮笠惟嫌已細雨沾衣不恨天
羞見兩農低首過怕逢沮溺荷鋤邊

過小溪口喜其水澹石雋詩以代記

黃山不肯蕩峰勢嚙相向白岳不肯峻赤石少奇趁卻
喜小溪蕩荇藻風悠颺卻喜小溪峻石齒如齧齧願借
臺百尺垂綸擲千仞散髮騎文魚九天聊一瞬

南坑喚渡

白岳誰將扇面開青松補處費樓臺扁舟載我方成画
笑挈蓑衣犯渡來

栢樹林喫黑炒飯

沙彌見客舉茶盤口道非時不掛單黑飯飽吞誰作伴
松青髮白主賓寒

宿洞天福地

碧砌仙芭落幽庭鶴跡寒枕葳滄海窄榻借洞天寬錫
杖逢牙笏荷裳對竹冠卻欣分道味鳴磬晚同餐

初九日雨中恭謁白岳真武廟

抱雨入玄關草鞋見上帝坎水育坤根仗劍逐氛禡披
髮是何年道成合冥契萬古鎮茲山元元蒙愷悌足躡
龜蛇精位瞻牛斗際南岳衛夫人雲旗曉陰翳君山二
妃嬪螺翠冠霞髻昨夜忽來朝萬寶通其幣徘徊香爐
峰金殿搖新霽飛梁漱玉津碧瓦光流麗三吳老禿丁
不試愧多藝文統握三才我道亦不細胡爲五十年所
向皆垂矣慷慨還再拜感憤一揮涕剖腹獻微誠聊以

書半偈我與金地藏瓜葛有所係將登九子峰赤腳向
東逝

觀羅漢影頌

前刼并後刼水面落花冷古人與今人木葉打枯井空
手騎鐵馬陽燄等馳騁笑彼自了漢石上搭箇影擬將
龜毛索痛縛敲其頸

登獨聳峰喜晤昱霞道侶

諸峰各有黨嗟爾獨無朋耽幽勢更仄好僻貌愈矜遊
嶮不責履唾手代步升巖脊鑿齒級一把一把登梯窮
始任足懷逞喚石應豁然洞戶開清羸見一僧牕下筭
殘棋迂客笑而興立談識道趣藤几相共凭俯目窺滄
桑匍匐走峻嶒聒噪不敢當欵曲鏤我膺錢送踏鷹背
翠滑若飛騰是時沐小雨灑面如飲冰烈風扶向路羊
角擬上昇悵望雲霄窟將身落層層

初十日曉晴下白岳松徑

千里輕裝杖獨尋杜鵑如火興偏深二天門外消殘夢
五老峰前悟夙心入夏遊人風寂寂侵晨啼鳥徑陰陰
浮生更到題詩處可有紗籠護苦吟

上白雲巖道遇達本監寺

巖前路問買油翁家在青青黯黯中迴首沙灘人不見

分明金鳳碧霄冲

謁子素和尚

岩下望岩上飛閣橫紫棟
岩上望岩下白鳥光一片綠
樹黃泥路遊子玩迴轉孤筇
撥草來浪把蒼苔踐知師
不喜錢接物循循善何須賣
布單然後有方便我來正
午餐放筯卽相見雪嶺得真
傳嫡骨皆黃面不須論箇
事築口好噉飯風吹床頭拂
說法人不薦

十一日同汪子易遊石房

仙人何所居自有仙人鄉
錦苔鯨波薦白玉象牙床石
作蜂窠墜房似蚌腹張門門
互相通飛步越虹梁薛壁

嵌閨竇茅女嬌隱藏寶匣鏡
半開粧臺引鳳凰機杼響
幽庭長歎織流黃四壁光玲
瓏珠簾映瀟湘腸斷一河
水列宿羅其傍牛郎牧瑤甸
涕泣勞相望與君踐瓊宮
卻喜無人防誤入不知還刮
灰生大荒足底一丸泥成
霸復成王天風吹兩袖出洞
神倉皇花經去後老樹比
來時蒼化鶴立城頭青樓變
白楊小兒戲彈射大笑忽
高翔

十二日仙人掛画

老仙如我窮浪把丹青賣波
瀾大作手毫髮靡遺瘵始
叅六法奇更憐三俗戒展玩
臥其下可以令人拜幽艷

黃山遊草 卷之六
輞川圖淺瀨鳴石隘號喊涿鹿戰怒觸不周壞白眼竹
林狂痛飲忘機械金碧李將軍樓閣多經界細觀神若
驚變變復恠恠惜墨果如金縱筆無破敗想怕爛黃梅
趁此晴天曬我將負之去好向茅堂掛有客共品評煮
茗與清話

十三日漆樹園 有小序

路逢八十四叟汪伯達偕遊漆樹園洞中見一老
嫗面黃百皺促若胡桃核紋靨中紅暈爭妍雜以
黃耆望之若古鼎硃砂斑眉纖而秀目細而彎其
瞳如漆渺然一線精彩四射灼爍如流星闕其年
乃舉雙手復豎二指而荅余不解其數顧問伯達
伯達曰一百二十歲矣

漆樹園外遇一翁岩巔飛走疾如風漆樹園中遇一嫗
瘦爪輕身能捉兔三人相視渾一氣翠藹光中同嗅味
胸無渣滓不留痕各向清泉吐肝胃陶然牽手石上坐
談道論仙無不可一翁一嫗一頭陀逍遙物外誰爲我
高會忘年不序齒一笑揮杯還復起洞門揖別雲亦消
依舊荒山叫青兕

十四日閣巖

漢武好神仙計巧終自拙胡爲內多慾邈想安期轍五

彩獲丹樓費盡民膏血青雀不飛來瑤池望空切白骨
葬茂陵春風吹莫熱何如此閣岩牛斗紗牕列欄檻合
自然玉樓堆積雪鬼斧劈無痕經營真妙絕雲霞粉戶
牖蛟龍蟠藻梲愧乏劉根姿俯仰一怡悅

十五日雨中望黃山

東風剗黃岳和雨入溪流對面花孤笑推牕竹點頭眼
邊千里夢身外一擔愁老愛敲人戶窮途作壯遊

十六日別子素和尙賜贐誌謝

餽贐羞難卻知余欲遠行憂愁雙鬢老晴雨半肩橫餉
客情過禮炊鐺設好羹出門黃鳥見啼送兩三聲

渡水

膽小怕過溪臨流忽悽愴草履脫沙灘褰裳挿腰當腳
踢清波碎濺起白頭浪草綠露輕鷗雲昏霾疊嶂疎柳
帶烟來扶我登岸上

過漁亭

黑辮禿袖白馬駝左手提鞭右拍歌三馬同途夾二騾
口呼蠻子肩負戈山僻涼烟逢小市竹筏乘流疾如矢
浮來百貨競通商有客勞勞念行李黔國道上王風淳
溪魚尾赤甘苦辛瘦民刈病麥嫠婦樵枯薪見之拱立
淚如瀉誰憐我是傷心人

桃源洞

乍入桃源路山多撥不開
樹頭看帽沒水底見人來
易使三心盡難教五岳灰
欣逢黃髮叟耕鑿老岩隈

宿壽亭侯廟晤解空道侶

落日思投宿擔囊入廟來
舉家移燭送就地把單開
掠枕妨甘寢遊蚊奏薄雷
出門慚飽德欲別首重回

十七曉過黟縣

晨氣衝高柳荒鷄報遠疇
地寬王稅薄縣小吏情幽
里俗依周政人煙遶麥秋
采風身獨繫遣興作吳謳

飯九蓮宮 有小序

院主見客不拱不揖余始入門
行童卽點一飯一蔬貯案而去
聽客加餐自勸而已余姑食其半
籠其半以爲前路療飢之藥笑吟一絕以自嘲其恃貧慢世之態顯示慚德敢告來學

一畝蓮宮綠樹間
客來投飯午鐘閒
羞將蕉葉包人飯
又看前頭十里山

九蓮松 有小序

蓮宮之左見一老松想亦齊梁舊物也
歲久推頽龍鍾欲仆或以木拄其腰觀其枝葉參錯勢同草隸奈因地出鄙野過而無異之者茲旣適余之目

豈可令彼潛而弗用乎卽名之曰九蓮松姑寵之
以詩云耳

乍與雷風戰罷時
渾身抖擻出臨池
筆頭奪得王家派
醉潑蛟龍護楚辭

壯士松 有小序

將度羊棧嶺路繇際盧兩邨一松橫臥道上離地
約五尺許行者差肩無不低首而過余適憶淮陰
故事遂字之曰壯士松并作歌爲記

偃蹇一松怒不縮當路頗有壯士氣十人過者九低頭
可笑可慚還可畏吁嗟乎蘭當戶兮宜受鋤國香奈爾
翻遭屠憐君粲粲好頭角保身自合知良圖古今巨材
多骯髒斧斤摧折空惆悵胡爲混跡風埃中幽姿卻喜
渾無恙

羊棧嶺四樵婦歌 有小序

余始屆嶺腳仰望崔嵬而歎曰我胡爲而來哉危
磴半欹懸崖欲落人摩我足我躡人頂百喘而步
未及前屢息而杖不能起日暮道窮歇擔疲坐忽
睨四樵婦杳從煙霧昏黑中來兩兩聯翩差池而
下顧盼嬉怡了無怯弱之態余作四樵婦歌以告
夫我吳之女郎端居柔軟之地生長綺羅之鄉履

不蹈險身不涉艱縱其嬌養之姿任其逸樂之性

焉知彼四樵婦之苦辛哉幸讀我歌者墮其淫氣

溢其善念庶不失余作歌之苦趣嗟乎

瞻彼遐宇
豈乏同心

羊棧嶺頭四樵婦裙拖一角雲中走鞋墻何苦刺鴛鴦
尖頭自有黃泥繡采樵折得花如醜妾心井井不起波
風流艷色有人好挑花上市求者多一榻郎當通水霧
屋後青山門外路養兒哺女鷄狗中風雨一生同旦暮
有男不娶王家娼有女不嫁尙書郎只許隣樵結婚媾
望衡對宇同襄陽朝登羊棧頭浥露沾裳芳草稠暮下
羊棧腳松膏煎燈然寂寞可憐吳地多佳人粧臺弄粉

嬌青春枕畔猜嫌中夜起羊棧隔面高嶙峋樵婦不梳
亦不媚兩鬢烟霞無妬忌朝朝伐木上青天笑踏羊棧
作平地

宿羊棧嶺晤利生道長

老禪空自負擔板硬堪憐世界如門濶蒲團似月圓低
頭賒半榻仰面傲三椽滿腹山牽輿明朝早著鞭

十八日樵樹下

下山踏著遠村鷄面帶晨風落草低犬吠一聲人盡望
挑包僧出樹腰溪

過九曲三灣歌

過一曲島弔空青幽啄木轉一灣我欲行時步履艱左
灣右擔筇腳蠹蟻子盤山盤到暮右曲左擔鞋鬚露努
力自愛慎防惡一灣一曲無盡頭碧溪更遶前村流
過巖前
巡司舖近釣魚坡白晝門無訟者過鳥鬪衙前官不管
依然飛去浴清波

石壁下

溪光倒影見人家野店安商對白沙宿客不來門寂寂
鱸灰冷卻罐中茶

宿桃嶺贈密賢道侶

路熱人如火門涼樹若冰驚魂茶湫定小閣鳥呼登驕
倚看山杖奇逢愛客僧不須傍撤座對面我何憎

密兄
不敢

對坐移椅側席而陪余
起而揖之卽復其位

十九日桃邨觀魚

樹底觀魚躍淵深託宅新鼓顛吹日暈隔水見人親
目聽黃鳥翻身戲白蘋自憐難久立荷担又前塵

高橋布施 有小序

白雲巖子素和尚贈予贖貲轉施爲造橋之費僧
卽乞余書名災石自晒其微一律誌愧

水衝橋斷走潺湲苔蝕前朝舊礎斑行旅揭衣愁病涉

沿門擊柝告維艱應憐此日微傾橐翻恨他生少破慳
自笑一文因不昧浪將閒字播江關

下邳晚渡

喚渡蘋洲夜氣交愁將桂檝把船敲一包上岸憑誰宿
欲奪昏鴉半箇巢

宿華口坑復果菴晤性海道侶

尻後雖無尾逢君故乞憐途窮雙眼淚客况五更天世
上非多我囊中自少錢勞生貪一宿銘感落心田

二十日茅菴避雨

細雨和煙起鬢邊擔頭傾刻換晴天興拋七筴登華嶺

腳底新開活眼泉

宿蓮華菴贈六淨道翁

暮向草庵投幽禽喚汝留暖湯刪客汗恠石洗詩眸壁
漏巒光補僧貧道氣周低頭遲出戶一飯爾何酬

二十一日魚龍洞 有小序

是遊也李斗先手握竹炬作餉導照指名蹟庶無
漏網之愆長年邵長生奮然潛溺水底力舉沉舟
而出手擘絮縷補塞蟻漏乃橫篙鼓勇而前弼我
探奇之志若此二人者不可不書以沒其善也

長年知水脈鳴篙刺石根輕舟如老鶴騎我過天門

佛手柑

掌中握一枚活跳蘇州有瞿曇怕猜著羞澁不開手

萬年松

白石弄精魂奪胎換頭角尾禿老蘚青手滑不可捉

杪樾樹

老兔吐陰精玄霜蒼玉冷幽洞解藏身見樹不見影

倒垂蓮

華山玉井蓮倒掛不受腳擬嫁西方人願爾作媒妁

仙人洗澡盆

仙人洗肚腸腸中琥珀光平生貪一醉猶帶酒花香

蓮華門

歡心愛蓮蒂苦心愛蓮子舉體學遊蜂縮入花房裏

倒掛金鐘

世人不大扣我亦不大鳴近代尊瓦缶緘口度平生

觀音打坐

大士好思修鬼窟作活計耳裏証三摩方孔投圓柄

八仙慶壽

寄言海上仙莫赴瑤池筵去弔莊生墳願爾壽萬年

又

八仙弄鼓笛暗把工商摸爾曰慶長生我曰鬼作樂
雲板門

棹舟玄牝門徧遊滄海曲雲板嘯一聲蟠桃已三熟
老壽星

矮腳大肚皮長頭高鼻梁兒時識壽星垂老尚郎當
羅漢點燭

手裏一莖燭眼前三尺暗急須吹滅卻管保白如練
獅子滾毬

拋出春風中非靜亦非動不借爪牙威休欺鄉里弄
羅漢洞

窈窕五百尊翩然兩蝙蝠一棹洞中來穿過三十六
紅蓮白蓮

白蓮六郎心紅蓮六郎面一片嬰兒香髻鬢懷中見
白馬紫金鞍

白馬嬌可憐金鞍光可掬無人肯讀書嘶風淚幽谷
白鸚鵡

芳洲弔蘭蕙夜泊楚江櫓
余向侍南岳儲老人浮湘夜泊鸚鵡洲憑弔古今一宿而去
搔首念彌衡挑燈誦鸚鵡

鰲魚門
舟子笑橫篙撐入鰲魚口一點狀元旗紅墮繙經手

姜太公釣魚

我釣不釣魚爾釣卻釣王白頭甘豹隱青史愧鷹揚

仙人洗臉盆

玉女愛洗頭仙人喜澡面蘭湯朝共盆胡麻夜同饌

天柱

人賤道自卑言輕難挽俗無力障狂瀾跪抱天柱哭

鴛鴦石

蘭槩不知愁打入鴛鴦夢何物喚人醒洞口黃鸝咲

琵琶門

洞口繫方舟如臨塞上秋誰敲十八拍拍拍動人愁

靈芝臺

東海有相思十年斷消息我欲啣芝來辛苦報君德

甘露洞

把燭然黝壁定心生白光玄精流玉液滴瀝沾我裳

荔支灘

誰掃荔支灘留儂把釣竿幸近仙人宅持鉢乞真丹

煉丹臺

養成鱸內丹走卻衣中珠保命學長生待免空守株

石笋

玉版仙人饌玉粒仙人糧春雷抽石笋穿過仙人床

烏龍洞

陰洞秘雷符丹崖書鳥篆蟄氣吐如烟腥風撲人面

自南陽灣上九華途中口占

莫愁狂雨射遊蹤又見斜陽曬遠峰信步漸登歡喜地

野花如我道心濃

宿金剛洞

望道終難見遊方興不賒窮途交孟夏苦雨又蝦蟆荷

鏤開田日名山博飯家農人欣助力頻笑荅年華

是夕常住

插秧山麓農家施力助勞者約三十餘人

二十二日赤腳登九華

垂老登山悔已遲今朝方信轉頭時未能析骨還爺債

聊且焚香報母慈腳腳不忘金地藏心心記得沈蓮池

預愁業鏡臺前過怕見多生醜面皮

謁地藏

赤腳謁地藏地藏哂曰是慚愧募緣僧無處啓其齒仰

睇瓦與椽徧寫張和李今朝顛不辣遇彼貧窮子相君

無一錢何必來千里託跡寄書香儉德遵祖祀慷慨愛

博施破囊空到底濟衆無病諸堯舜不如已捨身非所

吝微軀結歡喜再拜肉塔前慈顏近若咫尺慧刀剪罪根

智箭穿妙理白業擁高山黑業付流水獼猴已跳脫不

在六牕裏掛搭冷禪堂袈裟同臥起無聊看屋梁雙燕
修花壘

二十三日贈遜岩道侶

入門如面善捫腹忽知名恕罪先勞過忘懷欠遠迎同
峰偏少叙隔嶺更多情莫怪迂途指炊煙共晚鐺

二十四日寄懷自弘道長

窮途借榻小樓頭九子登牕互唱酬素手燒香空博飯
雜心念佛浪閒遊綠楊憶爾情拋絮翠竹題詩筆打油
聞道平原能好客攔門雨妬苦相留

二十五日捨身巖

絕壁空千載誰爲撒手人借形翻落石遊目抗輕塵說
汰煩松塵生涯託水蘋喫茶僧對面一笑悟前因

二十六日百歲菴

塔裏人無恙城中物盡非精神風冷澹和氣雨霏微華
表登初地言前接上機幽禽呼客拜三匝遶忘歸

二十七日望天臺

天臺松本直亦效黃山曲草木性多淫亦善變其俗羣
峰若奔馬骨聳瘦無肉仙人知夜遊爲儂先秉燭

天臺有大
小蠟
燭峰

二十八日老虎洞訪泐慧洞主

尋僧幽洞黑瞑目自生光
鑪頓茶嘗暖花開性亦香
呼禽拋鉢飯拾石拄繩床
屐卸松門雨歸來夢不忘

二十九日辭地藏

整等袈裟禮塔根殷勤問訊謝風旛
青山跣足憐窮子

雨中上九華艸鞋破碎不可復繫乃赤腳行二十里
白日然燈照至尊
余貧不能具燭供佛

故借白千佛名中蒙受記雙親
地下已承恩我今勘破

南方轉彈指重開不二門

過閔公園與葛翁乞杖

葛翁手裏活如龍長短量來趁我躬
靠爾不愁峰頂滑
艸頭揆出古人蹤

渡天臺吊橋

飛泉如縞帶繚此白木橋風激波
眺叫客過衣飄蕭

三十日訪律堂默菴和尚

背裏呼和尚回頭識得無愛賓
徒出拜荅禮手相扶
鳥去談詩句僧來乞畫圖
擎杯開笑眼依舊借天都

五月

初一日同智生道翁遊雲壓石蠟燭峰過三常住

飯真如菴而返

絕頂堪憑眺茲遊興不同
逢僧芳草綠舉手落花紅
茶味菴菴好溪聲路路通
清狂名易滿一日徧山中

初三日移單真如菴
沙彌持雨蓋隔岫遠相迎掃徑留花影開扉候履聲入
林沾道氣下榻愧虛名小大欣同邁連宵失旅情

初三日六十松圖歌

我詩意何長松入我詩詩忽矮我詩體何肥松入我詩
詩忽瘦瘦松瘦似棘上猴縐眉縮項青搜搜矮松矮似
採茶凳獨腳伶行搖禿柄

初四日與松若道侶登玉屏及雲壓石蠟燭峰一
帶飯泐華菴而別

無心空擊磬放膽欲騎松落草成千古扶筇上一峰到

菴知飯熟攔客見煙濃日暮思君處殷勤寄晚鐘

初五日真如菴同法慧瑞遐曉微諸道侶茶叙兼

懷雲舫雪莊大師

君吃蒲觴我吃茶惱儂要打石榴花遙憐笑抹雄磺面
醉眼迷離罵九華

性潔維馨祭屈靈菖蒲瓶內插空青行吟千古同憔悴

我與先生兩獨醒

向與雪公約五日作蒲觴之會適
逢此日有天臺之遊故簡寄二絕

初六日同瑞遐道侶飯羅漢墩

宿諾今須踐何勞帖更邀腸枵文氣盛屋漏菜香饒篤
信遵無妄相知貴久要晚涼風送客把臂興難消

黃山遊記 卷之六
初七日真如菴雨中卽事
幽庭添暴雨潤筆吐微瀾夢裏牽漁艇山頭枕釣竿樵
童催潑墨谷鳥勸栽蘭煙霧無晨夕踈慵愧飽餐

初八日天橋嶺 有小序

天臺之頂兩石如掌中通線路名一線天斧落戶
啓宵冥深黑又名天門浮雲過此拖沓不去更名
雲壓石蓋一石三名如雁宕之有剪刀峰也其上
嶮窄巉削勢難攀陟余與松若道侶更相援引仰
手受足履肩作梯而上忽有天橋洞門壯麗環乎
兩山之間其形冉冉俯躬奏足但恨彼欲渡人而

人不肯自渡耳少焉瑟縮而退余與松若憮然懊
惱急擬上橋而橋遂隱沒不可復覩矣喫雪子謹
再拜作頌名曰天橋頌

我行東海東鰲背斷飛蓬我行西海西珠樹巢墮泥我
行南海南赤蛇逐人貪我行北海北末路多逼仄彼蒼
憐下岷虹橋馭雲衢桂欄玳瑁街玉柱文蛟螭仙人眉
覆頰招手赴佳期青雀啣書來遶樹通其詞躊躇不忍
去日宴神馬疲奮然欲高翔橋斷淚空垂

天臺放光頌 有小序

天橋旣隱余與松若儻恍自失和跪石上自怨自

艾苦禱不已空中晃晃復現一大圓光重丹疊碧
篆綠縈青中有一僧凝視安祥宛同喫雪眉日爽
朗毫髮可數我行亦行我笑亦笑真乃千載之奇
緣人世所罕信者也然予與松若比肩偶坐彼光
但能攝我之全身而不納松若之容止此又不知
光之所命意也我聞光能徧照恆河沙國土量能
含受一切而尚有所檢擇耶一炊之頃日仄光闌
松若頓首言歸予亦揮袂而別其光復婉轉如輪
吸風飽綻逐予芒屨而行者數百步光逾逼人去
身咫尺手可攫而有也顧我頭上草笠忽化爲五

佛毘盧冠身上破直裰望之若金縷舊物光復遊
衍不定移至隔山予影亦御之而行落日倒射長
江一帶染作丹綃紫練而江上諸山蒼翠迢遙派
派如金枝擢秀玉葉分芳而江上萬里之壯圖交
映於尋丈之中崇隆隱起濃墨淋漓如將并州快
剪刀割取一段大理石屏障也殆日少翳光始漸
頽策杖過羅漢墩諸僧見余衣褶之間尙有馥郁
之氣予立談其狀靡不合瓜讚歎以爲天臺之瑞
喫雪之慶丁丑四月初八日申時記

春風太沒情吹我空中行地藏頭上光來覓腳底生一

箇大圈中突出四眼睛欠躬一齊揖舉手兩邊迎我飲
爾徹醉我歌爾和聲我辱爾汗顏我寵爾神驚萬象無
二體兩人同一名沼上窺遊魚樹下聽流鶯鬢鬢光華
中山川風氣清蟬螭好章甫衣冕逞華榮殤子與彭篋
壽夭同一庚乾坤迭否泰江海互虧盈紙馬專征伐傀
儡欣鬪爭大竅本無機流響如不平虛空殘葉破劫石
浮埃輕笑謝身外影相親若弟兄丁寧各自愛努力競
前程

初九日羅漢墩觀雲海

地勢如圓月僧眠若抱弓清齋敲玉磬破甌飲銀虹落

筆星辰動狂歌帝座通浮家東海上遣興一飛蓬

初十日遊山寺

綠楊堪避暑黃鳥卽吾家藥剩頽床草禪餘破竈花機
鋒嫌太迅詩思喜無邪白首誰知己中林一兔罝

十一日登拜經臺

昔日經行處依然石自平人間呼活佛地下作長庚水
吐劬勞句山鳴救苦聲南叅煩指點一鳥頌無生

十二日登十王峰遙辭地藏再瞻放光一律記異
石上他生跡今朝已徧行百年青眼綻三世白雲輕蘇
壁留新偈煙蘿眷舊盟卻教光鏡送紅紫更分明

過磨盤峰訪默菴和尚舊隱

僧遶別峰巔空留此洞天

默菴和尚近住
黃山獅子峰

花紅行道處

草綠養生年苔面依雙膝雲根借一椽我來何所見片

石蓋寒泉

十三日別天臺三常住

一曰老常住二曰中常住
三曰正常住即瑞遐道侶

脫白之地

季孟三常住蕭疎一道人謝茶松下展笑面水邊身芳

草牽新夢名山別舊塵離情難寫處眉際兩傳神

別真如菴泐慧道翁

詩况貧多感交情老最關斷腸縻詰曲薄淚補潺湲開

粥蒙留夏擔囊欲下山柴門添別恨新月在雲間

十四日曉發羅漢墩將返黃山別智生道翁

結束欲還山垂老償遊債閒將墨客詩粗補隣僧画時

有智生翁茅齋具瀟灑苦茗澆遊魂析薪烹露薤光餞

豁濃情小立延清話足未出門行愁先眉上挂百草共

頭低兩人齊首拜松風扶腳起下坡真痛快流水知高

興為我作湖泮

一錢買田歌 有小序

四月初六日余將朝禮白岳九華二大聖有客餉

錢百顆辭曰路贖予笑而受之牢封盃袋中乃隨

路投之乞者上體前王散財之義下秉先聖博施
之教一乞婦纔獲一錢卽喜而頌曰願爾歸去買
田予深感其言爰作一錢買田歌以告世之侈財
而苛吝者

漢家庫內五銖錢何處流來到我邊近叅地藏九子巔
浪擲青蚨小結緣輸爾一錢願我買田慳爾一錢願我
賣田買田賣田不隔一線敢告世人好行方便石上栽
錢開花結果五雲樓閣光婀娜四門寶殿黃金鎖但咒
慈光莫咒我

傾葢歌 有小序

道過青陽宛覩一僧望風迎笑拱手而去雖云對
面如幻回頭若夢然傾葢之間足堪千古後遇默
菴和尚曰此必南陽灣慶雲寺僧明初也予故爲
追吟傾葢之歌以記斯人之不忘云耳

皇風起處柳花走高山頂上交牝牡青陽道傍見一僧
傾葢立談憑笑口赤腳十指叉草鞋懸兩肘何必苛求
問姓名我是黃山恠松手

宿萬松菴

白日嗟行邁青山又午飢擔簦行道遠逐步與心違枕
冷思漁父燈昏夢釣磯聊同一宿覺松月倘知希

十五日過石埭縣

縣大寬如斗城高手可攀衙開松入幕吏雜鳥隨班俗
樸庭無訟民良政自閒短衣悲過客我道正維艱

與相士楊隱林同行二十里暮抵三折嶺而別

相逢十里語如雷幾度茶亭笑舉杯與爾情同花上蝶
東風作惡兩吹開

密崖關 有小序

松停翠蓋岩覆丹幢湍咏寒瀾映沙村而吐雪魚
喧碧藻依遊子以吹雲而夾岸幽光戛響嵐靄冲
融不減謝康樂之斤竹澗也慨爾踏歌誘茲徒旅

密崖關兮照人閒白鷗啣出水中山魚登松閣弄潺湲
密崖關兮樂復樂上磨肩頭下磨腳不嫌命窮嫌路惡
密崖關兮狹不開獨行弔影中心哀前者帽沒後者催
密崖關兮家山遠利逐蠅頭不知返翻恨前途白日短
密崖關兮雨霏微歌哭途窮淚滿衣問爾王孫歸不歸
苦頭坑 有小序

始過密崖關地名曰苦頭坑僕本天下之苦人也
爰是剗我苦腸抽我苦思彈我苦淚厥作苦歌姑
且娛其黨我之苦人不敢以告彼樂者
苦頭坑裏一更沉石家金谷栗棘森墮樓人碎淚淋漓

苦岑岑苦頭坑裏二更燧中散臨刑兒女酸廣陵彈罷
夜湯湯苦般般苦頭坑裏三更切重瞳力盡烏江別楚
帳虞兮歌烈烈苦咽咽苦頭坑裏四更流吳王夢入梧
桐秋蘇臺麋鹿艸呦呦苦颺颺苦頭坑裏五更終三郎
西幸嬪妃從鸞和蜀道雨零零苦重重

獼猴潭

地接苦頭坑土名曰獼猴潭因獼猴飲水而立名
也余喜其不文擬將歌以誌之適觀橋僧募疏曰
湖深潭此何義耶彼欲去獼猴之俗而就湖深之
雅不知就雅反俗余欲去湖深之雅而就獼猴之

俗不知就俗反雅故特廣伸獼猴潭之辨以正雅
俗

潭潭荷葉圓荷葉綠如天幽鳥沐清輝魚藻舞淪漣獼
猴飲水清且鮮抱子上樹戲捕蟬煙霧叢中嘯一聲隨
風飛過蓮華巔有客峰根倦行役垂老無家歌偏窄欲
覓獼猴作伴遊興託雲巢聊共宅

宿三折嶺

親見汾陽號出羣屋梁高視敢欺君解通欵曲簷前鳥
巧訴殷勤帳裏蚊千卷瑯函空自閉二時鐘鼓竟誰分
臨行看徧長廊回笑別天台舊日雲

十六日虎邨見聘者 有小序

道過虎邨兩人舁一猪子盒中肩四豚蹄一翁一
嫗各腰繫紅帛竝偶而行又二夫擔米四口袋爲
殿山村老少雜沓溪聲樹影中無不肩背相扶擁
笑而觀余恠問一荷簣者荷簣者曰此我鄉之下
聘者人或鄙其陋余獨喜其儉望古興嗟以刺奢
者

人獸同巢舊風俗古禮交聘肉博肉但取猪豚割四蹄
何用明珠求六斛南山竹北山木竹木同心夫婦足朱
有男陳有女男女同婚天地始新婦登門不跨床井臼
親操膂力强滿懷俠氣怨清揚上山打柴縛兩狼提刀
劈腹餉我郎舉案齊眉如孟光江頭汲水履曉霜雙魚
活潑懷中翔持魚長跪奉高堂願姑食之壽且康野老
簪花舞而喜鼓腹高歌王化裏誰將此曲呈樂工入奏
明光獻天子

訪中山能雲靜主兼晤正宗道侶

此山伸手那山招僧去樵家尙未遙撥轉頭來知是我
松釵笑拾把茶燒

同正宗能雲二靜主遊芙蓉菴

僧忙摘紫茶茶葉香布地門開茶當席席上分客位還

將茶飲賓茶罷了無事回看芙蓉嶺雨腳度山翠

全正宗能雲二靜主宿松谷菴

一點黃龍一點青門欹老竹石爲屏夜來烟霧床頭濕
寒入衾裯帶雨腥

十七日同正宗能雲二道侶雨中出松谷下芙蓉

嶺宿巢翠菴

擬向山前赴舊期朝來行色杖先知雨中出谷僧相送
竹裏聽泉鳥獨窺懶學小乘工打睡閒追大雅悶栽詩
短蓑又過芙蓉嶺一片春愁繫柳枝

十八日慈光記室斗山道侶抄我黃山遊草寄懷

一絕

目眇抄詩帶八分呵毫拾翠染蘭芬清光缺處相思補
殘月稍頭恰憶君

十九日與默菴和尚及正宗道侶赴能雲靜主之

約飯中山菴

杖藜相狎手相扶少長同行興不孤兩箇名山交七箸
昨與默和尚齋于天臺之一籬黃鳥共風鱸清樽有道
真如院茲復飯于中山菴

稱神契白首無心上画图日暮殷勤頻作謝隔溪悵望

眼模糊

二十日巢翠菴卽事

柴門老特香僧舍半農庄供竈炊仙草編籬織茗槍
泉朝辱水租碓夜春糧漫說多經濟謀生各有方

二十一日與默菴和尚同榻巢翠菴

翁跨揚州鶴儂吹玉洞簫一床千里濶半席五湖遙
交臂非同夢沿途不共橋天明指眼看笑煞兩芭蕉

二十二與正宗道侶遊針度菴喜晤博山院主

荒遊愛暑天五月正鳴蟬蒲劍山頭寺秧針石上田
面涼瞻淥竹詩渴漱清泉地主能留客團瓢好習禪

菴卽外洋

湖也有一團瓢面
對奇峰足堪避世

二十三日同正宗博山二道侶遊中洋湖

疊岫風吹縹遊人浪裏翻草香通鼻觀湖氣潤雲根沙
瘦苗猶縮岩高日漸溫閒來尋地脈築室護蘭蓀

二十四日遊裏洋湖 附記

三洋湖之勝裏洋湖爲最蘆花縹渺煙草瀰漫不
減東甌之雁宕故履外洋湖者有臨淵羨魚之興
過中洋湖者有莊生濠濮之思入裏洋湖者有尼
父乘桴之歎此千古之定論也惟外洋湖有精舍
數椽沙田二頃足稱苾蒨安禪息心之靜境亦屬
二湖餘波之所委真名利也黃山獨擅天下峰勢
之奇三洋湖專擅天下水利之壯天生此湖以補

三十六峰驚湍怒瀑之缺文惜彼遊者之不知咸
恨黃山之乏水非此山故匿其水以拒人人皆自
限其趾以昧此水人水更訥混濇難憑顧余雖有
三年孟浪之遊若不一褰裳涉足泛彼漣漪曷自
免於三洋湖之所笑乎喫雪子曰遊黃山而不遊
三洋湖與不遊黃山者同知雁宕而不知三洋湖
與不知雁宕者等念彼三洋湖者遠爲雁宕所蒙
近被天都所障孰莫不爲三洋湖之所叫屈哉余
平昔酷愛雁宕黃山遂乃私獵其名攘爲己物自
更其字曰雁黃識者以謂名實相副非獨好奇以

自飾也信乎稼堂先生序我詩曰聞有一吳僧策
杖來遊三年不返足跡猶尚未至三洋湖而况他
人之信宿歟茲屆丁丑暮春徧探白岳九華而還
再蹈黃山而出其背始覽三洋湖之勝槩若竟飄
然而去豈不爲三洋湖之所羞乎我鄉錢牧齋潘
稼堂兩先生博極典墳之奧府飽叅山水之神區
牧齋但有黃山之記而泛三洋湖之書稼堂但有
雁宕之篇而缺三洋湖之記抑三洋湖之靈不得
邀寵兩先生爲不幸耶抑兩先生之才不得瞻觀
三洋湖爲不幸耶此造物者之不輕售人蓋必有

所吝矣牧齋固我儕之先輩不與之偕遊漫不知有三洋湖非余小子之咎也若稼堂者趨陪羽蓋曠經十日不獲執杖前驅導引稼堂一識三洋湖西子之面是則小子之罪而不可追者五月二十二日與巢翠正宗針度博山彼二公者素知余有向平之癖乃誘挾相扶兩登其地何其幸耶振衣千仞岡濯足萬里流我踐其跡矣我入其殼矣是夕也斜日啣山望湖再拜詩以樂其遊書以記其事鄭重以告夫天下後世探奇之士遊雁岩而不遊三洋湖登黃山而不登三洋湖者當呼蠟屐以

追隨故遣毛錐之漏洩也是爲記

短褐度崇崗汀洲客斷腸
蘆千頃碧芳草一湖香
木杪樓堪繫波心棹可將
夕陽山缺處鷗鷺滿魚梁

二十五日讀汪半亭先生來書兼寄霍瞿玉山兩先生

始信峰前把臂行爾歌我和喜
同聲筆頭又結他生債
月月修書訴苦情

又

又向書中見霍瞿弟兄一夥念窮途夢回枕上燈花落
喚起相思午夜烏

黃山遊記 卷之六
二十六日雨晴望黃山後海

面上涼風起雲根拔盡鬆林昏歲霧豹日暮現田龍忍
踏堦前艸欣披雨後峰晴光驕數上步近水狎鷗踪聲

二十七日巢翠菴督理詩草

黃鸝呼不忒坐索野人詩趣日刪芳杜扶風整菊籬才
非干世用肚豈合時宜一闕滄浪恨誰云道在茲

二十八日夢遊匡廬

踏破金輪月一潭夜間所夢日間談纔題半偈風吹醒
瀑布臺前墨尚酣

二十九日觀耘者

坐對石門翁禾頭弄午風汗流將作雨淫氣又成虹菽
麥才難辨縱橫計轉窮無田誰活汝舉箸念農工

六月

初一日針度監院博山擇吉掛鐘曉至巢翠請法

拈示一偈

隨身一竿木到處用無偏舌不離方位心非敢擅權談
禪推破枕劈面奉粗拳三請匡床畔分明塔廟前

初二日與正宗道侶遊蓮池佛興柳公三菴兼訪

仙人峰恆順大師及仙都五老諸名勝曉發巢

翠臨行口占

此路余非熟頻推爾向先逢人須退步入道好加鞭白
首黃山杖青鞋綠樹天會心欣有作依韻答流泉

宿仙人峰

觸物心無事驕人鬢有霜掩書寬蕙帶滅燭上繩床過
眼思遊跡翻身夢故鄉隔牕聞耳語留客早春糧

初三日同恆順正宗二道侶遊仙人洞宿柳公菴

入洞將身匾巖前蛻殼過黃梁炊未熟白髮又添多人

影粘青壁泉香寄綠蘿柳菴宿處還夢踏熊窠

洞側有一

老熊窠盤結樹
杪可俯而望

初四日同恆順正宗二道侶遊大培山一乘菴訪

自悟靜主

一見狂禪伯憑空喝似雷當機牙齒鬪劈面箭鋒來飯
煮泥塗竈茶擎竹節杯欲歸還不忍脫屣戀蒼苔

初五日博山監院請任針度院志喜

夢中招我上崔嵬金地重登說泐臺一夕柴門添二口
杖頭呼取崔同來

補任寒山古竈根又攜茗帚傲松門應知不爲求田舍
聊借名山蓋腳跟

初六日針度掛鐘望仙鄉胡氏衆居士監寺博山

恆順正宗諸耆舊請住本院陞座拈示一律

黃山遊集 卷之六
小觸蒲牢口鏘然忽大鳴三千諸佛夢百八五夏聲典
樂黃鐘正量天玉尺平乾坤提祖令談笑示權衡

與恆順正宗二道侶宿松谷

借榻非求食敲門謝晚餐貧思成佛易老怕做人難芳
杜牽僧屐丹砂戴鶴冠倦遊山更嶮此夜臥須寬

初七日遊老菴基登石笋碁宿獅子峰作

石判官前苦要扶老蛟攙斷採樵途焦山寫本愁衝劍
丞相觀棋笑拂鬚十里不逢人影見半巖惟聽鳥聲呼
徘徊繫馬椿頭望矮矮遊僧似畫圖

初八日同恆順正宗二道侶宿雲舫

興滿腰包互換擔行行笑笑復談談奇書讀過須重讀
甞石探餘好再探鳥避履聲衝落葉雲啣僧影照寒潭
連朝腳力登山倦熟睡皮蓬夜打鼾

初九日返雲谷送恆順正宗二道侶歸仙人峰

與君連日鳥同林入寺穿溪上碧岑相送有言言不盡
清泉替我抖胸襟

初十日檢題

忽起床頭雨掀翻夢裏詩燈前頻屈指海內幾相知有
道非干祿無功愧寢尸檢題多實錄踪跡我誰欺

十一日謝吳念武先生送墨

黃山遊草 卷之六
情濃如墨帶謙光魚腹傳書只兩行一日閒愁消一寸
磨來片片古人香

十二日六十一松圖歌

松懶習幽閒坐石如入定涼風梳其氣流水澄其性老
公不打雷門鼓閒來愛聽嵩山磬

十三日熊篋菴和尚塔前拔草吟

掃除蕪穢借青萍天上欣看落佞星一艸專權蘭氣喪
這回難與說調停

十四日雲谷湯興

荷鋤翻轉綠焦天道合中庸趣不偏書到故人推上福

羅瑞侯來札有
真福人之語

心開平地接初禪簾分花影香堪把座
約巒光默可傳老喜巖居齊寵辱也同草木進餘年

十五日落杖

落石杖有聲虛谷爭來應二物既無情呼吸誰相競

顧影

僧面喜未來石上影先笑憂歡與類分物情惟自召

步月

柴門弄新月殘磬渡頭耿耿夜未央天河愁不沒

十六日送監寺素公之江北

飢驅出岫雨淒然留客黃鸝送客蟬回首蕪關天塹遠

愁君囊乏稅茶錢

二十二日到九龍潭

姑射仙人碧玉簪
膽寬如斗杖頭擔
老蛟睡處來偷驗
手握風雷過九潭

十七日浴湯池

不約喜來同狂歌
鳥道中欣誇浴日手
老擅補天功大
肚風前落平懷
水底通攬將真面目
托出太虛空

白岳還山晤菌人和尚

木蓮香裏算歸程
風雨愆期訴旅情
密室夜談僧竊聽
清樽耀眼燭微明
鰲山成道關生死
燈史聯芳好弟兄

白露上階賓出戶
殘星落樹鳥催更

十八日宿益清樓

論交物外道爲根
身裏同君共出門
尺布可縫支朔氣
小人懷惠仰朝餐
胡床倒屣忙輸禮
玉趾登樓肯降尊
一種幽情堪默契
青山注目兩無言

十九日同斗山日亭蓮峰潛九諸道侶浴湯池

禿頭也愛浴乎沂
杖作漁竿插釣磯
目盼素波堪捉鼻
歌翻芳樹好牽衣
銀河雀喚披星入
金殿烏棲秉燭歸
永夜遨遊真樂事
還將短髮任風晞

二十日自讀黃山遊草

橡粟空山一老氓
籠班樵牧互相賡
真誠自下知音淚
薄俗誰憐古樂聲
風雅運衰聊待罪
春秋道喪係微生
采殘黃海三千首
牘奏軒皇告厥成

二十一日招黃耿士先生入山追和寒字

把茗思君潑袖寒
天崖雲樹兩無安
人當暮齒交情渴
路隔佳期見面難
客裏窮愁憑夢藝
詩中活眼倩誰看
杖藜徒步勞相等
芳草何堪又踏殘

二十二日都監克公讀我黃山遊草

逢君松子忽鏘然
響激清風句可傳
口滑新詩留不住
無心脫落在人前

二十三日招王耿士先生追步前韻

與客談詩口角寒
夕陽花亞臥苔安
蟬疑吸露呼秋老
山不通潮透簡難
僧向落霞孤鶩立
君從流水片雲看
躊躇薄袂欄干濕
砧杵誰家搗月殘

二十四日鐵線潭禱雨

手持鐵械氣衝衝
不是祈龍是惱龍
隄躩怒潭雷出叫
快啣靈雨破前峰

二十五日六十二松圖歌

老顛饜酒肉戲嘔
金身佛喫雪飽煙霞好
寫青針松金佛怕向火中死
青松欣抱石頭活
松兮佛兮根性各別

佛兮松兮同舟吳越我如韋偃祇画松我如趙州不喜
佛紅鑪裏面有生滅

二十六日送菌人和尚丐維揚卽和汪栗亭先生

原韻

擬栽尺木補岑樓六月征衣豈浪遊日落思君揚子渡
黍離懷古白門舟詩邀名士烹茶讀館倚芙蓉脫履留
別後天都誰是主峰頭輸我坐高秋

愁見荷裳染薄塵短筇逐物恐違真海濱易覓鋤

泥裏難逢布髮人丹竈一瓢容我放蓮花百咏向誰伸

漁樵作伴欣同調范蠡祠前有舊綸

丹壑紅樓舊業餘蒲團赤肉少安居干時漫捲高僧舌

沸墨空煩祭酒書

昨與楞香翁話及四面佛殿楞香曰我爲了這鋪功德不知狼藉許多筆

墨一點也沒用處

仰面有求眉上鎖尋人不慣路頭踈側身黃

海應思我遮莫燈花報鯉魚

綠蘿雅樂近難論蟬噪涼風滿樹存白社豈無真佛祖

青山自有瞎兒孫落梅調古喧江笛折柳詞高佐客樽

此公憐君愁日眇戍樓斜日數煙墩

二十七日寄懷黃耿士先生復步前韻

短袖龍鍾拭涕寒地鑪煨芋喫來安松將掛笠埋頭好

山不留人插腳難抱月思君非幻想開書讚我祇空看

閒呼秃管聊排悶又摘芭蕉一樹殘

二十八日潘稼堂先生深入匡廬寄懷一律

長齋學士愛茶瓜樽酒籃輿醉晚花一夕論交真意外
半生同土各天涯談禪野寺清泉急把臂寒山白日斜
寄語潯陽休夜泊隔船有女奏琵琶

二十九日與西堂密公源生悟本宗本三典藏浴

湯池

丹砂燒熱水白晝供遊人十指空撈影雙眉不受塵
灑蘋香濯足谷鳥靜傳神荷策休嫌短還堪曬布巾

三十日喂草鞋

雲根初拔起山腹漸空鬆扇過低牕鳥拖翻別寺鐘
涼風梳竹影澹日射樵踪老愛晴光好誰言興不濃

雁黃布衲黃山遊草卷之六終

黃山逸草

卷之六

七



